


南宋書

紀三之六



			九	漢書門
			〇	
			三	
一	四	八		
冊	架	函	號	類

庫文閣內			
三	五		漢
六	一		書
函	〇		
七	四	三	
架	冊	號	類

內閣文庫		
番號	漢	1019
冊數	14	(2)
函號	286	57




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



第二本 三之六 九四卷

三光宗

四寧宗

五理宗

六度宗 恭帝 端宗 帝昺

光宗本紀第三

明錢士升增削許重熙贊

南宋書卷第三 掃葉山房校刊

光宗慈孝皇帝諱惇孝宗第四子母成穆皇后郭氏紹興十七年九月乙丑生於藩邸孝宗即位拜鎮洮軍節度使開府儀同三司封恭王莊文太子薨孝宗以帝英武類已舍兄愷而立帝帝之為恭王與講官商較前代時出意表及為太子尹臨安究心民政周知情偽孝宗數稱之淳熙十五年二月帝奉詔赴議事堂參決庶務內外除擢自館職部刺史以上乃以聞十六年二月壬戌孝宗內禪帝即位上孝宗尊號曰至尊壽皇聖帝皇后曰壽成皇后壽皇詔立帝元妃李氏為皇后甲子帝率羣臣朝重華宮大赦百官進秩一級辛未上皇太后尊號壬申詔內外臣僚陳時政闕失四方獻歌頌者勿受辛巳以生日為重明節丁亥詔百官輪對三月

凡五年

一

已亥子擴進封嘉王戊申以壽皇却五日之朝詔自今月四朝重
華宮已未左補闕薛叔似右拾遺許及之並改官拾遺補闕自此
罷夏五月甲午以王藺知樞密院事丙申周必大罷判潭州戊申
知閣門事姜特立有罪罷閏月癸酉詔季秋有事於明堂以高宗
配壬午大理寺獄空秋七月庚辰下詔恤刑九月乙丑戒執政侍
從臺諫毋移書以薦舉請託戊辰詔侍從官各舉公正強敏嘗任
守令及職事官材堪御史者一人甲戌詔監司帥臣秩滿到闕薦
所部廉吏一二人冬十月甲寅大閱諸路大水金人遣使來賀卽
位自此歲交遣使如故事

紹熙元年春正月丙辰朔帝朝重華宮二月辛亥殿中侍御史劉
光祖言道學非程氏私言乞定是非別邪正從之三月丁卯詔秀
王襲封置園廟夏五月己卯前丞相趙雄坐所舉以賄敗降秩秋

七月甲寅以葛邲參知政事胡晉臣簽書樞密院事乙卯以留正
為左丞相王藺為樞密使癸酉建秀王祠堂於行在冬十月丙午
詔內外軍帥各薦所部有將才者庚戌詔諭郡縣吏奉法愛民十
二月丙戌王藺罷戊子以葛邲知樞密院事胡晉臣參知政事安
南來貢

二年春正月壬子詔尊高宗為萬世不祧之主二月癸未班會元
歷乙酉詔以陰陽失時雷雪交作令侍從臺諫兩省卿監郎官館
職各陳時政闕失以聞辛卯布衣余古上書極諫帝怒詔送筠州
學聽讀三月丁巳詔自今邊事令宰相與樞密院議仍同簽書丙
寅詔福建提點刑獄陳公亮知漳州朱熹同措置漳泉汀三州經
界冬十月丙子朔詔罷經界辛卯詔曰朕維為政之道莫先於養
民故自卽位以來蠲除其賦頒宣寬條嘉與四方臻於安富郡守

縣令最近民者也誠能拊循惠愛以承休德庶幾政平訟理之效
今采之人言乃聞科斂先期競務辦集而民之虛實不問追呼相
繼敢爲推剝而民之安否不恤財計之外治理蔑聞甚不稱朕委
屬之意國用有常固在經理而非措克督趨以爲能也知本末先
後之誼此朕所貴於守令者繼自今以軫恤爲心以牧養爲務俾
民安業時子汝嘉十一月辛未皇后李氏殺黃貴妃以暴卒聞王
申合祀天地於園丘以太祖太宗配大風雨不成禮而罷大赦帝
既聞貴妃薨又值此變震愆感疾罷稱賀肆赦不御樓建寧府福
汀二州及潼川崇慶二府興利果合綿漢六州大水淮東及階成
西和鳳四州旱

三年春正月乙巳朔帝有疾不視朝三月辛巳帝疾稍愈始御延
和殿聽政庚寅宜州蠻寇邊改知鬱州沙世堅知宜州以討之夏

四月乙卯以邱審爲四川安撫制置使戊午帝朝重華宮五月帝
有疾不視朝六月辛丑朔下詔戒飭風俗禁民奢侈與士爲文浮
靡吏苟且飾僞者以陳騏同知樞密院事秋七月壬申前丞相周
必大坐失舉賊吏降秩冬十一月丙戌日南至丞相率百官詣重
華宮拜表稱賀兵部尚書羅點等各上疏請帝朝重華宮吏部尚
書趙汝愚亦因面對以請帝開納辛卯帝朝重華宮皇后繼至都
人大悅江東京西湖北水

四年春正月己巳朔帝朝重華宮三月丙子帝朝重華宮皇后從
辛巳以葛邲爲右丞相胡晉臣知樞密院事陳騏參知政事趙汝
愚同知樞密院事癸巳帝從壽皇聖帝壽成皇后幸聚景園夏五
月己巳進士李僑年五十四調成都司戶參軍自以祿不及養乞
以一官回贈父母帝嘉其志特詔以本官致仕父母皆與初品官

封丙戌召浙東總管姜特立還六月丙申朔丞相留正以論姜特立不行出城待罪戊戌祕書省著作郎沈有開著作佐郎李唐卿祕書郎范黼彭龜年校書郎王爽正字蔡幼學顏械吳獵項安世上疏乞寢姜特立召命戊申參知政事胡晉臣卒己酉御後殿慮囚甲寅太白晝見秋七月乙丑朔太白晝見壬午以趙汝愚知樞密院事余端禮同知樞密院事復以陳源爲內侍省押班九月庚子重明節百官上壽請帝朝重華宮不聽己卯上皇太后尊號甲申帝將朝重華宮爲皇后所沮陳傅良引裾力諫不聽是月夏主仁孝卒子純祐立冬十月乙卯會慶節帝以疾不果朝重華宮侍從皆上章居家待罪嘉王府翊善黃裳疏請誅內侍楊舜卿太學生汪安仁等二百人上書請朝重華宮皆不報庚申帝將朝重華宮復以疾不果丞相以下自劾請罷祕書郎彭龜年請逐陳源以

謝天下皆不報十一月辛未日中有黑子癸酉太白晝見戊寅帝朝重華宮都人大悅召丞相留正於城外庚辰留正始入朝復赴都堂視事命姜特立還故官十二月戊戌帝朝重華宮是歲地大震江浙兩淮荆湖水旱賑之

五

五年春正月癸亥朔帝朝重華宮以壽聖皇太后壽八十詣慈福宮行慶禮推恩如淳熙十年故事癸酉壽皇聖帝不豫丙子大理獄空癸未葛邲罷判建康府二月乙未知樞密院事趙汝愚等以蜀世將吳挺卒奏別除不行居家待罪戊戌以張紹爲興州諸軍都統制夏四月甲午帝幸玉津園皇后及後宮皆從乙未壽皇幸東園癸卯帝以侍從言將以癸丑日朝重華宮復以疾不果丁巳臺諫交章劾內侍陳源楊舜卿林億年離間兩宮請罷逐之五月戊辰丞相留正等請帝侍疾正引帝裾至於福寧殿久之乃泣而

出辛未丞相以下出城待罪知閣門事韓侂胄請宣押八城許之
乙亥帝將朝重華宮復不果甲申以嘉王府翊善黃裳等奏詔嘉
王擴問疾重華宮王至宮壽皇爲感動六月戊戌夜壽皇崩遺詔
改重華宮爲慈福宮建壽成皇后殿於宮後以便定省先是丞相
留正樞密趙汝愚余端禮等聞壽皇大漸見帝於後殿力請朝重
華宮皇子嘉王亦泣以請不聽至是留正等聞壽皇崩率百官詣
宮聽遺詔已亥百官上疏請詣重華成禮辛丑百官拜表請就喪
次成服壬寅壽皇大斂詔俟疾愈過宮行禮丞相留正等請皇太
后垂簾聽政不許請代行祭奠禮許之仍有旨皇帝有疾聽就內
中成服乙巳尊皇太后爲太皇太后壽成皇后爲皇太后丁未丞
相留正奏皇子嘉王仁孝夙成宜正儲位以安人心越六月奏三
上許之明日擬旨以進俄奉御筆云歷事歲久念欲退閒正大懇

秋七月辛酉留正稱疾乞罷政遂逃歸甲子太皇太后以帝疾未
能執喪命皇子嘉王卽皇帝位於重華宮之素幄帝移御泰安宮
慶元元年前上尊號曰聖安壽仁太上皇帝六年八月辛卯崩年五
十四十一月上尊諡曰聖哲慈孝皇帝廟號光宗嘉泰三年加諡
循道憲仁明功茂德溫文順武

論曰光宗非次得立豈不以賢觀其初政緩刑薄賦屏佞舉
廉可謂知先務者不幸遭悍后致疾勿終令聞惜哉

贊曰嗣政兩年未彰施德卽膺悍后爲戾爲慝子道旣虧君
職弗克

Blank page with faint bleed-through text from the reverse side.

寧宗本紀第四

南宋書卷第四

明錢士升增削許重熙贊

掃葉山房校刊

乾道四年
淳熙五年
九年

十六年
紹熙五年

寧宗恭孝皇帝諱擴光宗第二子母慈懿皇后李氏乾道四年十月丙午生帝於王邸淳熙五年授明州觀察使封英國公九年正月始冠十年始預朝參十一年當出閣兩宮愛之不欲令居外乃建第東宮之側遷焉十一年三月封平陽郡王八月納夫人韓氏十六年光宗受禪進封嘉王紹熙五年六月戊戌孝宗崩光宗疾未平御批付丞相留正有退閒之語七月辛酉知樞密院事趙汝愚遣知閣門事韓侂胄因內侍張宗尹以禪位嘉王之意請於太皇太后不獲遇提舉重華宮關禮告之禮入內泣請於太皇太后乃悟令諭侂胄曰好為之侂胄出告汝愚命殿帥郭杲分兵衛南北翌日禪祭汝愚率百官詣大行柩前太皇太后垂簾汝愚袖出

南宋書

卷四本紀四

抄本

所擬以進云皇帝以疾未能執喪曾有御筆欲自退閣皇子嘉王擴可卽皇帝位尊皇帝爲太上皇皇后爲太上皇后太皇太后稱善汝愚出以旨諭帝帝固辭曰恐負不孝名汝愚曰天子以安社稷定國家爲孝今中外憂亂萬一變生置太上皇何地衆扶入素幄被黃袍方却立未坐汝愚率同列再拜帝詣几筵殿哭盡哀須臾立仗訖催百官班帝衰服出就重華殿東廡素幄立內侍扶掖乃坐百官起居訖乃入行禫祭禮汝愚卽喪次請召還留正詔建泰安宮以奉太上皇太上皇后尋以秋暑未須移御卽以寢殿爲泰安宮乙丑太皇太后命立夫人韓氏爲皇后丙寅大赦百官進秩一級詔車駕五日一朝泰安宮戊辰詔求直言己巳以趙汝愚兼參知政事乙亥以陳騏知樞密院事余端禮參知政事戊寅以郭杲爲武康軍節度使辛巳以趙汝愚爲樞密使壬午以韓侂胄

爲汝州防禦使侍御史章穎等劾內侍林億年陳源楊舜卿詔億年源與外祠舜卿與內祠甲申以羅點簽書樞密院事戊子詔百官輪對罷楊舜卿內祠林億年常州居住陳源撫州居住八月癸巳詔知潭州朱熹至以爲煥章閣待制兼侍講甲午增置講讀官以黃裳陳傅良彭龜年等爲之己亥率羣臣朝泰安宮辛丑詔諸道舉廉吏糾汙吏壬寅詔經筵官開陳經旨救正闕失丁未命三省議賑恤諸路郡縣水旱丙辰留正罷以趙汝愚爲右丞相丁巳詔侍從兩省臺諫各舉通亮公清不植黨與曾任知縣者二人九月庚子簽書樞密院事羅點卒辛未大饗明堂大赦壬申以京鏜簽書樞密院事甲戌改生日天祐節爲瑞慶節冬十月庚寅更泰安宮爲壽康宮癸巳雷乙未詔以陰陽繆戾雷電非時令臺諫侍從各疏朝政闕失以聞丙子以朱熹奏卻瑞慶節賀表閏月庚申

凡六年

凡一

吏部尚書鄭僑等奏請祧僖宣二祖正太祖東嚮之位尋立僖祖別廟祔藏順翼宣三祖之主是月內批以謝深甫為御史中丞劉德秀為監察御史罷右正言王度朱熹上疏忤韓侂胄罷奉祀趙汝愚力諫及臺諫給舍交章留熹俱不聽十一月丙午帝自重華宮還大內庚戌以韓侂胄兼樞密都承旨辛亥雨水冰詔行孝宗喪三年乙卯攢孝宗於永阜陵十二月乙丑吏部侍郎彭龜年疏論韓侂胄竊弄威福詔罷龜年進侂胄一官與內祠趙汝愚請留龜年不聽御史中丞謝深甫劾陳傅良罷之己巳陳騏罷庚午以余端禮知樞密院事京鏜參知政事鄭僑同知樞密院事辛未監察御史劉德秀劾起居舍人劉光祖罷之是歲兩浙淮南江東西路水旱賑之金人聞孝宗訃遣使來弔祭又遣使來賀即位慶元元年春正月丙辰白虹貫日二月戊寅以右正言李沐言罷

凡

趙汝愚知福州甲申復以御史中丞謝深甫言罷趙汝愚提舉洞霄宮是月以歲凶民饑下詔曰朕德菲薄饑饉薦臻使民陷於死亡夙夜慘怛寧敢諉過於下耶顧使者守令所與朕分寄而共憂也乃涉春以來聞一二郡老稚乏食去南畝捐溝壑咎安在耶豈賑給不盡及民歟得粟者未必饑饉者未必得歟偏聚於所近不能均濟歟官吏視成而自不省歟其各恪意措畫務使實惠不壅毋以虛文蒙上則朕汝嘉三月丙戌朔日有食之兵部侍郎章穎國子祭酒李祥博士楊簡以黨趙汝愚相繼罷夏四月丁巳太府寺丞呂祖儉上疏忤韓侂胄送韶州安置己未以余端禮為右丞相京鏜知樞密院事鄭僑參知政事謝深甫簽書樞密院事庚申太學生楊宏中等六人以上書留趙汝愚章穎李祥楊簡請黜李沐詔各送五百里外編管中書舍人鄧驛上疏救之不聽戊戌詔

有宋書

卷四 本紀四

三

帝紀

戒百官朋比六月丁巳右正言劉德秀請考核道學真偽以辨邪
正詔下其章癸酉以韓侂胄爲保寧軍節度使提舉萬壽觀御史
中丞何澹乞風厲學者專師孔孟不必自相標榜詔榜於朝堂秋
七月丁酉落趙汝愚觀文殿大學士罷祠冬十一月戊戌加上太
皇太后及皇太后尊號又上太上皇帝及太上皇后尊號丙午以
監察御史胡紘言責授趙汝愚永州安置未至暴卒十二月丙子
以朱熹爲煥章閣待制辭

二年春正月庚寅以余端禮爲左丞相京鏜爲右丞相鄭僑知樞
密院事謝深甫參知政事何澹同知樞密院事甲辰右諫議大夫
劉德秀劾前丞相留正引用僞學之黨詔落正觀文殿大學士罷
祠三月己亥進封弟柄爲吳興郡王夏四月甲子余端禮罷壬申
以何澹參知政事葉翥簽書樞密院事五月乙酉申巖獄囚瘦死

丙辰更慈福宮曰壽慈宮秋八月丙辰太常少卿胡紘奏請
勿用僞學之黨詔權住進擬冬十月甲戌大閱以陳賈嘗攻朱熹
召爲兵部侍郎十二月以監察御史沈繼祖言落朱熹祕閣修撰
罷祠竄其徒蔡元定於道州

三年春正月壬寅鄭僑罷知福州二月丁巳大理司直邵夔然奏
自今權臣僞學之黨勿除在內差遣從之夏閏六月甲午貶留正
分司西京邵州居住冬十一月辛丑太皇太后吳氏崩甲辰合祀
天地於園丘大赦十二月丁酉以知綿州王沆奏詔省部籍僞學
姓名宰執四人趙汝愚留正王藺周必大待制以上十三人朱熹
徐誼彭龜年陳傅良薛叔似章穎鄭湜樓鑰林大中黃由黃黼何
異孫逢吉餘官三十一人劉光祖呂祖儉葉適楊方項安世李惠
沈有開曾三聘游仲鴻吳獵李祥楊簡趙汝讜陳峴范仲

補汪逵孫元卿袁燮陳武田澹黃度張體仁蔡幼學黃灝周南吳
柔勝王厚之孟浩趙鞏白炎震武臣三人皇甫斌范仲任張致遠
士人八人楊宏中周端朝張衛林仲麟蔣傅徐範蔡元定呂祖泰
凡五十九人

四年春正月丙寅以葉翥同知樞密院事三月甲子攢憲聖慈烈
吳皇后於永思陵夏五月己酉以右諫議大夫張釜等請申嚴偽
學之禁乃下詔曰向者權臣擅朝偽邪朋比協肆姦宄包藏禍心
賴天之靈宗社之福朕獲奉慈訓膺受內禪陰謀壞散國勢復安
嘉與士大夫厲精更始凡有淫朋比德幾其自新而歷載臻茲弗
迪厥化締交合盟窺伺間隙毀譽舛迕流言間發將以傾國是而
惑衆心甚至竊附於元祐之衆賢而不思實類乎紹聖之奸黨國
家秉德康寧弗汝瑕殄今惟自作弗靖意者漸於流俗之失不可

復返歟將狃於國之寬恩而罰有弗及歟何其未能洗濯以稱朕
意也朕既深詔三三大臣與夫侍從言議之官益維持正論以明
示天下矣諭告所抵宜各改視回聽毋復借疑似之說以惑亂世
俗若其遂非不悔怙終不悛邦有常刑必罰無赦秋七月辛酉葉
翥罷八月丙子以謝深甫知樞密院事許及之同知樞密院事以
知臨安府趙師異爲工部侍郎選宗室子與愿育宮中後更名曦
五年春正月樞密院直省官蔡璉訴趙汝愚定策時有異謀詔捕
鞠彭龜年曾三聘等實其事中書舍人范仲藝力爭之於韓侂胄
事遂寢張釜等復請窮治詔停龜年三聘官二月乙酉張釜劾劉
光祖附和偽學詔光祖房州居住夏五月壬寅朔班統天歷秋八
月辛巳太上皇疾平帝率羣臣詣壽康宮上壽成禮而還太廟夾
室楹生白芝九月庚寅韓侂胄封平原郡王是歲臨安疫江西廣

東諸州軍水

六年春閏二月庚寅以京鏗為左丞相謝深甫為右丞相何澹知樞密院事夏五月辛未以久旱求直言六月乙酉朔日有食之戊子太上皇后李氏崩戊申許及之母喪去八月辛丑太上皇崩丁酉左丞相京鏗卒癸卯攢慈懿李皇后於修吉寺九月甲子婺州布衣呂祖泰上書請誅韓侂胄蘇師旦逐陳自强等詔杖祖泰配欽州外城辛未大饗明堂大赦冬十一月己未皇后韓氏崩十一月辛卯攢光宗於永崇陵壬寅攢恭淑韓皇后於廣教寺癸卯詔改明年元是歲四雨土天下州郡十六水旱

凡四年

嘉泰元年春二月癸巳監察御史施康年劾少傅周必大首倡偽學私植黨與詔降為少保三月丙寅雨雹戊辰復雨雹己巳復雨雹戊寅臨安大火四日乃滅夏四月辛巳賑被災家壬午下詔罪

已辛卯詔風俗侈靡災後官軍營造務遵法制內出銷金鋪翠焚之通衢禁民無或服用秋七月乙卯何澹罷甲子以陳自强參知政事張釜簽書樞密院事己巳以吳曦為興州都統制八月甲申張釜罷以張巖參知政事程松同知樞密院事是歲三雨土浙西江東兩淮利州路旱真里富國獻馴象二

二年春正月癸亥以知閣門事蘇師旦兼樞密都承旨二月癸巳禁行私史三月辛亥詔宰執各舉可守邊郡者二三人己巳詔諸路帥臣總領監司舉任將帥者與本軍主帥列上之夏五月甲辰朔日有食之秋七月己巳程松父喪去位八月丙子以袁說友同知樞密院事己丑詔作壽慈宮請太皇太后還內冬十月己亥加太皇太后尊號十一月庚戌以陳自强知樞密院事許及之參知政事十二月甲申立貴妃楊氏為皇后加韓侂胄太師庚寅大

閱是歲弛偽學之禁趙汝愚朱熹先後追復繼又復周必大少傅
建寧府福汀南劔瀘四州水邵州旱

九年春正月庚辰謝深甫罷甲午張巖罷戊戌幸太學國子祭酒
李寅仲進講遂幸武學賜賚如故事以袁說友參知政事傅伯壽
簽書樞密院辭夏四月己亥朔日有食之五月戊寅以陳自强爲
右丞相許及之知樞密院事秋七月辛未命殿前司造戰艦八月
壬寅增置襄陽騎軍九月庚午袁說友罷冬十月癸卯以費士寅
參知政事張孝伯同知樞密院事十一月乙亥祀天地於園丘大
赦是冬金國多難沿邊聚糧增戍且禁襄陽榷場邊釁之開自此
始

十年春三月丁卯臨安大火延太廟甲戌下詔罪己乙亥詔百官
陳時政闕失夏四月甲辰許及之罷己巳以張孝伯參知政事錢

凡三年

象祖同知樞密院事五月乙亥詔諸軍主帥各舉部內將材三人
不如所舉者罪之癸未追封岳飛爲鄂王秋八月戊午張孝伯罷
冬十月庚子以張巖參知政事十二月癸巳詔總覈內外財賦以
陳自强兼國用使費士寅張巖同知國用事己亥詔改明年元
開禧元年春三月癸未費士寅罷夏四月戊子朔以錢象祖參知
政事劉德秀簽書樞密院事辛卯以皇甫斌爲江陵副都統辛丑
日中有黑子慶元六年至此凡五見甲寅武學生華岳上書諫朝
廷不宜用兵恐啟邊釁韓侂胄送建寧府編管五月乙亥詔立
曦爲皇子進封榮王金國以邊民侵掠及增邊戍來責渝盟六月
辛卯詔內外諸軍密爲行軍之計秋七月庚申以宰相陳自强侍
御史鄧友龍等請詔韓侂胄平章軍國事立班丞相上三日一朝
赴都堂治事丙寅以蘇師旦爲安遠軍節度使領閣門事癸未以

士

韓侂胄兼國用使八月丁亥命湖北安撫司增招神勁軍乙巳以郭倪為鎮江都統兼知揚州九月丁亥劉德秀罷冬十一月乙酉直殿前司神武軍五千人屯揚州十二月戊寅金賀正使趙之傑來入見禮甚倨韓侂胄請帝還內詔使人更以正旦朝見江浙福建二廣諸州旱兩淮京西湖北諸州水真里富國來獻瑞象二年春正月癸巳以金使悖慢館伴使副以下奪官有差是月夏州鎮夷郡王安全廢其主純祐自立二月癸丑壽慈宮火明日太皇太后移居大內三月癸巳以程松為四川宣撫使吳曦為宣撫副使乙巳錢象祖罷夏四月甲子以薛叔似為湖北京西宣撫使鄧友龍為兩淮宣撫使下納粟補官之令庚午追奪秦檜爵諡丁丑四川宣撫副使吳曦叛獻關外四州於金求封蜀王五月辛巳朔吳興郡王抃卒丙戌江州都統王大節引兵攻蔡州軍大潰丁

亥下詔伐金癸巳江陵都統皇甫斌引兵攻唐州敗績興元都統秦世輔出兵至固城縣亦大潰甲午詔宗子均立為沂王抃後後更名貴和池州副都統郭倬主管馬軍行司公事李汝翼會兵攻宿州敗績倬與汝翼退走至蘄縣金兵追圍之倬執統制田俊邁以與金人乃得免六月癸丑建康都統李爽攻壽州敗績甲寅鄧友龍罷以邱密為兩淮宣撫使王大節皇甫斌郭倬李汝翼李爽貶竄有差秋七月辛巳貶蘇師旦衛州居住籍其家尋送韶州安置癸卯以張巖知樞密院事李璧參知政事八月丙寅有司上開禧刑名斷例斬郭倬於鎮江戊辰再奪李爽三官南雄州安置九月壬午金兵攻奪和尚原辛卯大饗明堂大赦冬十月戊申詔內外軍帥各舉知勇可將帥者二人丙子金人自清河口渡淮遂圍楚州十一月甲申以邱密簽書樞密院事督視江淮軍馬金人攻

廬州襄陽濠隨西和州信陽安豐軍及邊屯多爲金人所破十二月庚戌金人破成州守臣辛禎之遁甲寅金人攻六合縣鎮江都統郭倪遣郭僕救之遇於胥浦橋大敗倪棄揚州走丁巳金人破大散關已巳貶郭倪南康軍安置庚午薛叔似罷以吳獵爲湖北京西宣撫使甲戌以畢再遇權山東京東路招撫司公事乙亥四川宣撫使程松遁雅州蠻作亂平之蒙古主鐵木真稱帝三年春正月丁丑朔邱岳罷已卯命知樞密院事張巖督視江淮軍馬庚辰以陳自强兼樞密使辛卯吳曦招權大安軍事楊震仲不屈死甲午吳曦僭立於興州三月己未以楊輔爲四川制置使葉適兼江淮制置使乙亥四川宣撫司隨軍轉運安丙及興州正將李好義監合江倉楊巨源等共誅吳曦傳首獻於廟併誅曦妻子家屬徙嶺南奪其父挺官遷吳璘子孫出蜀存其廟祀玠子孫

免連坐三月丁丑斬僞四川都轉運使徐景望於利州庚子以楊輔爲四川宣撫使安丙爲宣撫副使許奕爲宣諭使壬寅連貶程松澧州安置夏四月己未以方信儒爲奉使金國通謝國信所參議官如金軍議和丁卯召楊輔還以吳獵爲四川制置使戊辰以錢象祖參知政事癸酉金人復破大散關五月辛卯太皇太后謝氏崩六月癸酉安丙殺其參議官楊巨源秋七月乙酉以旱傷下詔罪己九月壬午方信儒使回以忤韓侂胄貶臨江軍居住乙酉攢成肅謝皇后於永阜陵辛卯以趙淳兼江淮制置使乙未張巖罷辛丑遣王栴持書如金軍冬十一月甲申詔韓侂胄輕啟兵端罷平章軍國事陳自强阿附充位罷右丞相乙亥禮部侍郎史彌遠等以密旨命權主管殿前司公事夏震率兵誅韓侂胄於玉津園遂下詔暴侂胄罪惡於中外丁丑貶陳自强永州居住戊寅貶

蘇師旦韶州安置已卯斬師旦詔姦臣竄殛首當開言路以來忠
讜中外臣僚各具所見以聞辛巳連貶鄧友龍潭州安置丙戌以
衛涇簽書樞密院事丁亥詔立榮王曦為皇太子更名熹後又更
名詢戊子貶郭倪梅州郭僎連州並安置籍其家貶李璧撫州居
住癸巳貶張巖徽州居住己亥以立皇太子大赦十二月己酉落
葉適寶文閣待制戊戌貶許及之泉州居住貶薛叔似福州居住
再貶皇甫斌英德府安置辛酉以錢象祖為右丞相兼樞密使衛
涇雷孝友並參知政事林大中簽書樞密院事乙丑以史彌遠同
知樞密院事丁卯詔改明年元作開禧歷附統天歷頒之浙西旱
蝗沿江諸州水

嘉定元年春正月辛巳下詔求言壬戌以史彌遠知樞密院事二
月戊午再貶程松賓州安置三月癸酉毛自知坐論用兵奪甲科

恩例戊子復秦檜爵諡己丑王栴再自金軍還辛卯詔梟侂冑首
併函蘇師旦首畀金易淮陝侵地夏四月戊午再貶陳自强雷州
安置籍其家閏月丁酉以旱求直言五月丁卯以蝗災詔侍從臺
諫疏奏闕政監司守令條上民間利害六月庚午金人歸大散關
辛未金人歸濠州乙亥衛涇罷甲申簽書樞密院事林大中卒秋
七月癸丑以邱密同知樞密院事八月辛巳以婁機同知樞密院
事樓鑰簽書樞密院事甲午發粟賑糶江淮流民九月辛丑金遣
完顏侃喬宇來已未詔以金國和議成諭天下冬十月丙子以錢
象祖為左丞相史彌遠為右丞相並兼樞密使雷孝友知樞密院
事婁機參知政事樓鑰同知樞密院事已卯錄慶元上書楊安中
等六人十一月丙辰金主璟卒其叔允濟立和議復成通使如故
事戊午右丞相史彌遠母喪去位十二月戊辰錢象祖罷庚午再

貶李沐信州去住

二年春正月丁巳以樓鑰參知政事章良能同知樞密院事宇文紹節簽書樞密院事夏五月丙申右丞相史彌遠起復秋八月乙丑以安丙爲四川制置大使罷宣撫司九月辛丑大饗明堂大赦諸路旱蝗黎州蠻寇邊柳州峒蠻李元礪作亂衆數萬連破吉邲諸縣

三年春正月甲辰下詔招諭羣盜又詔戒飭監司郡守夏四月己巳詔臨安府給細民病死者棺槨六月丁巳朔日有食之冬十二月戊午婁機罷兩浙大水李元礪數敗官軍勢益熾湖南賊羅世傳縛元礪降

四年春正月己丑叙州蠻寇邊秋七月丙寅詔四川官吏嘗受僞命者毋得叙用九月丁丑詔附會開邊得罪之人毋得叙用冬十

月甲辰命江淮京湖四川制置司謹邊備時金爲蒙古所迫州郡多降蒙古十一月己酉朔日有食之是歲夏主安安全卒宗室遵項立

五年夏五月癸酉封李龍翰子昊昂爲安南國王秋七月戊辰以雷雨毀太廟屋避正殿減膳冬十月辛巳詔諸路總領官歲舉堪將帥者二三人安撫提刑舉可備將材者各二人十一月壬戌合祀天地於圜丘大赦是歲叙州蠻降

六年春正月庚申簽書樞密院事宇文紹節卒二月乙未詔宗室毋與胥吏通姻著爲令三月癸亥樓鑰罷夏四月丙子以章良能參知政事秋八月金人弑其主允濟宗室珣立閏九月癸巳雷乙未又雷明日下罪已詔兩浙諸州大水

七年春正月丁丑參知政事章良能卒三月丁卯以安丙同知樞

密院事庚辰金人來督二年歲幣秋七月甲子以鄭昭先簽書樞
密院事乙亥金人迫於蒙古遷都汴遣使來告夏人以書來四川
議夾攻金不報八月戊申安丙罷九月壬戌朔日有食之冬十月
壬辰出內帑錢賑臨安貧民黎州叛蠻畜卜始降起居舍人真德
秀奏罷金國歲幣

八年春正月辛未命侍從兩省臺諫各舉將材三人二月丙午雷
孝友罷三月辛丑詔大郡歲舉廉吏二人小郡一人辛巳應直言
極諫科何致坐妄造事端熒惑眾聽配廣西牢城夏四月癸卯以
早求直言五月甲辰詔賊吏毋得減年參選著為令秋七月辛酉
以鄭昭先參知政事曾從龍簽書樞密院事九月辛未合祭天地
於明堂大赦兩浙江東西路旱蝗

九年春二月甲申朔日有食之辛亥東西兩川地大震自是三月

六月十月數大震詔侍從兩省臺諫舉堪監司者各二人黎州山

崩

十年春二月庚申地震夏四月金人攻光州遂分兵攻樊城圍棗
陽光化軍詔江淮制置使李珣京湖制置使趙方及四川制置使
董居誼禦之廬州鈐轄王辛敗金人於光山縣金兵遁去徐州光
化並以捷聞五月癸卯趙方請以伐金詔天下勦下詔畧曰蠶食
快其所求天厭久矣鵲巢徵其將覆人競逐之若能立非常之勳
則亦有不次之賞遂傳檄招諭中原官吏軍民六月庚戌太白晝
見辛未東川大水癸酉太白經天秋七月丙子朔日有食之冬十
一月庚辰太白晝見戊戌太白經天十二月金帥完顏贊以步騎
萬人臨四川迫諸堡統制劉雄棄大散關遁金人據之雅州蠻寇
邊

十一年春正月壬午京東路忠義李全率衆來歸詔以全爲京東路總管二月甲辰金人焚大散關丙午金人破阜郊死者五萬人夏四月戊午金人復攻大散關守將王立遁己未金人攻黃牛堡興元都統吳政拒退之癸亥政至大散關執王立斬之五月癸未蚩尤旗見長竟天丁亥詔羣臣集議平敵禦敵和敵三策秋九月辛巳大饗明堂大赦

十二年春正月戊辰朔召董居誼詣行在以聶子述爲四川制置使辛卯金人復攻西和州守將趙彥呐設伏待之殲其衆乃還乙未興元都統吳政及金人戰於黃牛堡死二月癸卯金人破武休關丁未金人破興元府庚戌以曾從龍同知樞密院事任希夷簽書樞密院事辛亥金人破大安軍連破洋州壬子四川制置使董居誼遁都統張威遣統制石宣等邀擊金人於大安軍大破之獲

其將巴士魯安乙丑夏人復以書來四川議夾攻金人利州安撫丁焞許之三月己巳以鄭昭先知樞密院事曾從龍參知政事閏月癸亥興元軍士張福莫簡等作亂以紅巾爲號金人圍安豐軍滁濠光三州遂分兵自光州攻黃州之麻城自濠州攻和州之石磧盱眙軍攻滁州之全椒來安及揚州之天長真州之六合游騎數百至東采石楊林渡建康大震京東總管李全自楚州忠義總轄季先白漣水軍各引兵來援金人乃解去全追擊敗之獲其貴將夏四月庚午張福入利州四川制置使聶子述遁殺總領財賦楊九鼎尋掠閬州果州焚遂寧府入普州曾從龍罷以安丙爲四川宣撫使奪董居誼官六月丙子太白晝見辛巳西川地震太白晝見辛卯太白經天沔州都統張威執張福送宣撫司秋七月丙申張福伏誅紅巾賊悉平再貶董居誼永州居住冬十二月己

丑京湖制置使遣統制扈再興許國等引兵六萬人分二道伐金
 十三年春正月丁酉扈再興攻鄧州許國攻唐州不克而還金人
 追之遂攻樊城趙方督諸將拒退之夏六月壬午以季先為漣水
 軍忠義副都統命赴樞密院議事未至殺之秋八月癸亥皇太子
 詢薨壬申四川宣撫使安丙遺夏人書定議夾攻金人癸未四川
 宣撫司命統制王任信引兵赴熙鞏州會夏人遂傳檄招諭陝西
 五路官吏軍民九月辛卯夏人引兵伐金圍鞏州且來趨師甲午
 統制王任信引兵發宕昌乙未統制質俊李實引兵發下城戊戌
 四川宣撫司命都統張威等分道進兵張威出天水程信出長道
 陳立出大散關田胃出子午谷陳昱出上津乙巳程信王士信引
 兵與夏人會於鞏州攻城不克壬子程信及夏人攻鞏州又不克
 信引兵趨秦州夏人退師冬十月丁巳朔程信邀夏人共攻秦州

夏人不從信引兵還諸將皆罷兵程信以宣撫司之命斬王任信
 於西和州張威罷軍職十二月癸未鎮江副都統翟朝宗以皇帝
 恭膺天命之寶來獻雅州叛蠻降黎州土兵叛宣撫司招降之
 十四年春三月丙戌鄂州副都統扈再興引兵攻唐州丁亥金人
 破黃州知州事何大節棄城遁死乙未詔京湖制置司趨援蘄黃
 已亥金人克蘄州知州事李誠死之癸丑金人退師扈再興擊敗
 金人於天長鎮明日連敗之夏四月戊辰金人渡淮而北李全遣
 兵追擊敗之五月甲申朔日有食之六月丙寅詔以姪貴和為皇
 子更名竑進封祁國公秋七月辛丑以趙方為京湖制置大使賈
 涉為淮東制置使兼京東河北路節制使八月乙卯任希夷罷壬
 戌以宣繪同知樞密院事俞應符簽書樞密院事九月癸未詔宗
 子貴誠立為沂靖惠王後辛卯大饗明堂大赦冬十一月京東安

撫張林叛降於蒙古十二月庚申鄭昭先罷浙東江西福建諸路旱沔成階利四州水

六

十五年夏五月丁巳封子竑為濟國公己未以姪貴誠為邵州防禦使六月辛卯簽書樞密院事俞應符卒秋七月甲子詔江淮荆襄四川制置監司條畫營田來上八月己卯命戶部詳議義役甲午有彗星出於氏九月辛亥以宣繪參知政事程卓同知樞密院事薛極簽書樞密院事冬十二月丁亥以李全為保寧軍節度使十六年春三月戊申張林所部邢德來歸詔進二官以為京東東路副總管夏六月丁酉同知樞密院事程卓卒秋九月庚子朔日有食之冬十二月庚寅金主珣卒子守緒立江淮諸州水夏主遵頊傳位於子德旺

元

三

來歸詔悉補官即以其州授之秋八月丙戌帝違豫閏月丁酉帝崩在位三十一年年五十七史彌遠傳遺詔立姪貴誠為皇子更名昀即皇帝位寶慶元年正月上尊諡曰仁文哲武恭孝皇帝廟號寧宗三年加諡法天備道純德茂功

歐陽元論曰寧宗初年以舊學輔導之功一時守文繼體煜然可觀中更侂冑用事內蓄羣姦指正為邪外挑強鄰流毒淮甸賴歲兵敗乃函侂冑之首行成於金國體虧矣贊曰道學愈盛國政愈乖前韓後史臣橫主衰亦稱繼體碌碌可哀

南宋書本紀卷之四終

理宗本紀第五
明錢士升增削許重熙贊
南宋書卷第五
掃葉山房校刊

理宗本紀第五

南宋書卷第五

明錢士升增削許重熙贊

掃葉山房校刊

理宗安孝皇帝諱昀太祖十世孫太祖傳生燕王德昭冀王惟吉
廬江侯守度嘉國公世括房國公令稼脩武郎子昉贈太師吳國
公子昉生伯佺贈太師益國公伯佺生師雅贈太師赴國公師雅
生希壚帝父也追封榮王母慈憲夫人全氏帝以開禧元年正月
癸亥生於山陰有異瑞名與苜時寧宗弟沂靖惠王無嗣立宗室
貴和為後嘉定十三年景獻太子薨十四年六月遂立貴和為皇
子改名竑而以帝補乘義郎尋授右監門衛大將軍賜名貴誠立
為沂王後十五年五月封竑為濟國公以帝為邵州防禦使帝性
凝重寡言潔脩好學會竑與丞相史彌遠有違言彌遠日謀媒孽
其失屬意於帝而未遂十七年秋八月壬辰寧宗疾篤彌遠稱詔

嘉定十三年

十五年

十七年

凡三年

酉乙
一

以貴誠為皇子改賜名昀授武康軍節度使封成國公閏月丁酉
寧宗崩彌遠使楊谷楊石入白楊皇后稱遺旨以皇子竑封濟陽
郡王判寧國府命子昀嗣皇帝位既即位大赦尊楊皇后曰皇太
后同聽政竑賜第湖州以醴泉觀使就第癸亥詔宮中服三年喪
九月乙亥詔褒表老儒以傅伯成為顯謨閣學士楊簡為寶謨閣
直學士並提舉南京鴻慶宮柴中行叙復原職授右文殿修撰主
管南京鴻慶宮伯成簡辭不至辛卯大饗明堂大赦冬十一月癸
未以皇太后生日為壽慶節戊子以葛洪同簽書樞密院事己丑
詔以生日為天基節十二月癸丑開經筵詔輔臣觀講
寶慶元年春正月壬戌朔詔舉賢良庚午湖州盜潘壬潘丙潘甫
謀立濟王竑變尋定史彌遠遣客余天錫託宣醫治竑疾逼竑死
詔貶竑為巴陵郡公辛未楊谷楊石並加開府儀同三司三月癸

酉攢寧宗於永茂陵夏四月丁酉皇太后手書免垂簾聽政五月
甲子詔內外交文武大小之臣於國政有所見聞封章來上毋或有
隱六月丁未史彌遠封魏國公秋八月癸卯詔知遠州趙鉞夫直
祕閣福建提點刑獄以旌廉吏丙午詔舉廉吏戊申詔舉將才甲
寅以程頤四世孫源為籍田令冬十二月癸卯以薛極參知政事
葛洪簽書樞密院事甲申朱端常言魏了翁封章謗訕真德秀奏
劄誣詆詔貶了翁靖州居住德秀落職罷祠以梁成大為監察御
史李知孝為右正言

二
二年春正月癸亥詔賜沈煥陸九齡贈諡錄張九成呂祖謙張栻
陸九淵子孫官有差癸酉召布衣李心傳赴闕三月戊寅詔太常
寺建功臣閣凡累朝配享功臣趙普曹彬薛居正潘美石熙載李
沆王旦李繼隆王曾呂夷簡曹瑋韓琦曾公亮富弼司馬光韓忠

彥呂頤浩趙鼎韓世忠張俊陳康伯史浩葛邲趙汝愚悉圖其像
名曰昭勲崇德閣秋八月乙巳濟王竑追降巴陵縣公蒙古兵頻
畧夏境夏主德旺以憂卒弟之子覲立

三

三年春正月辛亥朔上皇太后尊號辛酉知楚州姚狝朝辭奏淮
楚軍事上曰南北皆吾赤子何分彼此卿其為朕撫定之已巳詔
朕觀朱熹集註大學論語孟子中庸發揮聖賢蘊奧有補治道朕
勵志講學緬懷典刑可特贈熹太師封信國公史彌遠楊谷楊石
並進秩二月庚戌朔工部侍郎朱在進對奏人主學問之要上曰
先卿中庸序言之甚詳朕讀之不釋手恨不與同時丙寅史彌遠
封魯國公夏六月戊申朔日有食之冬十一月辛巳日南至郊大
赦改明年元十二月壬申蒙古兵破關外諸隘四川制置使鄭損
棄三關遁蒙古兵入夏以夏主覲歸夏亡

凡六年

四

紹定元年春正月丙子朔加上皇太后尊號夏六月壬寅朔日有
食之秋七月己丑蒙古主鐵木真卒戊戌熒惑犯南斗冬十二月
辛亥以薛極知樞密院事葛洪參知政事袁韶同知樞密院事鄭
清之簽書樞密院事

五

二年春二月庚戌詔歲舉廉吏或犯姦賊保任同坐三月辛卯詔
恤獄囚夏五月詔賑成都潼川路饑秋八月己未蒙古主窩濶台

立

六

三年春二月庚戌詔起復趙范知鎮江府趙葵知滁州各節制本
州屯戍軍馬秋九月辛丑大饗明堂大赦冬十月以趙善湘為江
淮制置使許便宜從事十一月丁酉有星孛於天市垣十二月壬
戌李全叛淮東官兵王青力戰死之詔江淮制置使趙善湘等率兵
討李全乙丑以鄭清之參知政事喬行簡同簽書樞密院事詔史

宋本紀五

三

帝業山房

彌遠十日一赴都堂治事丁卯立貴妃謝氏爲皇后癸未加上皇太后尊號

七年
四年春正月戊子皇太后壽七十詣慈明殿行慶禮大赦史彌遠以下進秩有差壬寅趙范趙葵等大敗李全於揚州全走新塘誅之立功將士進秩賜賚有差夏四月丁丑以喬行簡簽書樞密院事秋七月庚戌葛洪罷知紹興府八月己未蒙古兵破武休入興元攻仙人關九月庚戌夜臨安火延及太廟冬十月戊午太常少卿度正國史院編修官李心傳各疏言宗廟之制未合於古茲緣災異宜舉行之詔兩省侍從臺諫集議以聞癸酉蒙古兵破蜀口諸郡

八年
五年春正月己丑以孟珙爲京西路兵馬鈐轄屯棗陽軍壬辰以史嵩之爲京湖安撫制置使知襄陽府壬寅新作太廟成夏五月

已丑詔昨鬱攸爲災延及太室罪在朕躬而二三執政引咎去職今宗廟崇成神御安安薛極鄭清之喬行簡並復元官戊戌詔今後齊民有罪監司守臣毋輒籍沒其家必具聞俟命秋七月丁酉以陳貴誼同簽書樞密院事閏九月庚戌彗出角冬十月以星變大赦十二月壬午皇太后楊氏崩癸卯詔外朝喪禮不敢輕改宮中自服三年蒙古兵圍汴京金主奔蔡州蒙古再遣使議攻金史嵩之以鄒伸之報謝起魏了翁連進寶章閣待制潼川安撫使知瀘州起真德秀爲徽猷閣待制知泉州

九年
六年夏四月壬寅攢恭聖仁烈楊皇后於永茂陵蒙古攻金汴京破之殺其二王俘妃嬪宗室以歸秋七月孟珙大敗金武仙於馬蹬山降其衆七萬人八月史嵩之會蒙古伐金取唐州九月壬寅朔日有食之辛亥大饗明堂大赦辛酉經筵官請以御製敬天法

十

祖事親齊家四十八條及緝熙殿榜殿記宣付史館冬十月史嵩
 之遣孟珙江海領襄軍會蒙古合圍金主於蔡州丙戌史彌遠進
 太師左丞相鄭清之右丞相並兼樞密使丁亥史彌遠封會稽郡
 王仍奉朝請以薛極為樞密使喬行簡陳貴誼參知政事乙未左
 丞相史彌遠卒十一月丙午詔改明年元丙寅權工部尚書趙范
 言宣和海上之盟厥初甚堅迄以取禍其事不可不監帝嘉納之
 尋詔趙葵任責防禦刑部尚書莫澤侍郎梁成大工部尚書李知
 孝有罪相繼罷十二月庚辰薛極罷戊申資政殿學士袁韶以附
 史彌遠奪職罷祠壬辰臺臣言趙善湘陳咳鄭損通賄史彌遠怙
 勢肆姦失江淮荆襄蜀漢人心詔趙善湘有討李全功特寢免陳
 咳鄭損貶黜有差

端平元年春正月庚子朔詔求直言侍從卿監郎官在外執政從

官舉堪為監司守令者各二人三衙統帥知閣御帶環衛官在外
 總管軍帥舉堪為將帥者各二人丙午詔趙范兼淮西制置副使
 任責防禦戊申金主守緒傳位於宗室承麟己酉金蔡州城破守
 緒自經死承麟為亂兵所殺執其參知政事張天綱金亡丙寅詔
 太師中書令榮王已進王爵宜封三代於是曾祖子奭祖伯佺父
 師雅並贈太師封國公戊辰史嵩之露布告金亡遣郭春按循故
 壤詣奉先縣汎掃祖宗諸陵還師屯信陽命王旻守隨州王安國
 守棗陽蔣成守光化楊恢守均並益兵飭備經理唐鄧屯田三月
 己酉以賈涉子似道為籍田令辛酉詔遣太常寺主簿朱揚祖閣
 門祇候林拓詣洛陽省謁八陵夏四月辛未詔遣朱復之詣八陵
 相度修奉丁丑詔比年宗親貧窶或致失所甚非國家睦族之意
 大宗正司南外西外宗正司其申嚴州郡以時贍給違者有刑丙

成以滅金獲其主完顏守緒遺骨告太廟其玉寶法物併俘囚張天綱完顏好海等命有司審實以聞庚寅詔孟珙江海等進秩賜賚有差五月丙辰以趙范爲兩淮兼沿江制置使丙寅詔黃榦李燾李道傳陳宓樓昉徐宣胡夔昱皆阨於權姦而各行其志沒齒無怨其賜謚復官仍錄其子以旌忠義戴埴復元資以勵士風六月戊辰朔鄭清之等進奏選德殿柱有金書六字曰母不敬思無邪上曰此坐右銘也戊寅以喬行簡知樞密院事曾從龍參知政事鄭性之簽書樞密院事己卯詔復濟王竑官爵有司檢視墓域以時致祭仍存恤其家癸巳史嵩之進兵部尚書秋八月議收復三京以趙范爲東京留守趙葵爲南京留守全子才爲西京留守趙葵將楊誼至洛爲蒙古所乘師大潰九月壬寅趙范奏趙葵全子才輕遣偏師復西京趙楷劉子澄參贊失計師退無律徐敏子

范用吉怠於赴援詔葵子才各削一秩趙楷等并楊誼降黜有差己酉詔進士何霆編類朱熹解注文字有補經筵授上文學冬十月戶部尚書真德秀赴召進大學衍義尋改翰林學士魏了翁召權禮部尚書兼直學士院辛卯參知政事陳貴誼卒十二月己卯蒙古遣王檝來責敗盟尋命鄒仲之等報謝李知孝梁成大莫澤並竄遠州盡追爵秩

士

二年春正月甲寅詔議胡瑗孫明復邵雍歐陽修周惇頤司馬光蘇軾張載程顥程頤等十人從祀孔子廟庭升孔伋十哲丙辰詔主管侍衛馬軍孟珙屯黃州辛酉遣程芾等爲蒙古通好使二月甲子朔日當食不虧三月乙未詔太學生陳均編宋長編綱目進士陳文蔚著尚書解並補廸功郎乙巳以真德秀參知政事陳卓同簽書樞密院事夏四月辛卯真德秀罷子內祠卒六月戊寅以

鄭清之爲特進左丞相喬行簡爲右丞相並兼樞密使壬午以曾
從龍知樞密院事崔與之參知政事鄭性之同知樞密院事陳卓
簽書樞密院事崔與之辭不拜秋七月庚申禮部尚書魏了翁上
十事不報閏七月丁亥貶全子才衡州居住劉子澄瑞州居住八
月庚寅惠陽建安京口高沙諸軍作亂討平之詔曰朕仰惟藝祖
皇帝立國以仁維國以義撫民馭軍恩威不相掩用能經制一定
國勢奠安間者軍士蠢爲不靜以駭民聽雖怙終必戮而事非獲
已痛切朕躬夫三綱五常之理在人未始泯絕彼其忘平時撫養
之恩背理捐生豈盡本心哉有司奉令不虔故其病於培尅而饑
寒不免困於力役而休息無期鬱悒於阻遏而赴愬無所殆非一
日亦惟朕之不明有以致之詩不云乎祈父王之爪牙胡轉予於
恤內而三衙外而列闈暨諸軍主兵 其各體至意上下交飭訓

禮示信威以儆其玩恩以卹其私使人人自愛相安於紀律而國
勢張時惟汝嘉狃故必罰朕不敢赦冬十一月乙丑以曾從龍爲
樞密使督視江淮軍馬魏了翁同簽書樞密院事督視江湖軍馬
從龍卒十二月庚寅以魏了翁兼督視江淮軍馬甲辰以余爍同
簽書樞密院事安南來貢蒙古分道入侵蜀漢江淮州郡詔籍鄭
損家連貶南劔州居住

三年春正月蒙古兵攻江陵統制李復明奮戰死之二月壬寅詔
侍從臺諫給舍條具邊防事宜甲辰召魏了翁簽書樞密院事辭
不拜三月襄陽北軍主將王旻李伯淵焚城郭倉庫相繼降蒙古
時城中官民兵四萬七千有奇財粟三十萬軍器二十四庫皆亡
金銀鹽鈔不與焉南軍主將李虎乘火縱掠襄陽爲空制置使趙
范坐失撫御削三官夏四月己酉魏了翁罷知潭州癸丑詔悔開

邊責已其畧曰數年之間多難已甚屬讐金之寢滅而蒙古之與鄰逮合謀成破蔡之功恐假道有及虞之勢心之憂矣臍可噬乎又曰兵民之死戰鬪戶口之困流離室廬靡存骸骨相望是皆朕明不能燭德有未孚上無以格天心下無以定民志今方施令發政以為綏輯之圖補卒蒐乘以嚴守禦之備想瘡痍之溢目如疾病之在身五月甲申以趙葵為淮東安撫制置使知揚州秋七月丁卯以鄭性之參知政事李鳴復簽書樞密院事甲申雨血八月丙戌趙范坐失襄城罪再貶秩李虎亦貶秩各令任責捍禦自效九月辛未大饗明堂大赦乙亥鄭清之為行簡並罷為醴泉觀使兼侍讀以崔與之為右丞相兼樞密使辭不拜壬午御前諸軍統制曹友聞與蒙古兵戰於大安軍陽平關死冬十月壬寅蒙古兵克固始丙午蒙古兵克文州守臣劉銳通判趙汝彛死十一月丙寅

凡四年

十三

寅以喬行簡為特進左丞相兼樞密使蒙古兵入淮西詔史嵩之趙葵陳韡分道援之戊辰以魏了翁知紹興兼浙東安撫使壬申詔羣臣各陳防邊方畧戊寅復成都府十二月壬寅詔改明年元金州通判蹇彞及弟維子承叔與蒙古兵拒戰俱死安南來貢嘉熙元年春正月甲子詔兩淮荆襄之民避地江南沿江州縣間有招集賑恤常慮恩惠不周流離失所江陰鎮江建寧太平池江興國鄂岳江陵境內流民其計口給米期十日竣事以聞二月癸未朔以鄭性之知樞密院事鄒應龍簽書樞密院事李宗勉同簽書樞密院事李鳴復罷癸卯詔以朱熹通鑑綱目下國子監并進經筵夏五月壬申臨安大火六月癸巳鄒應龍罷丙午詔建內小學擇宗子十歲以下資質美者二三人置師教之秋八月癸巳以李鳴復參知政事李宗勉簽書樞密院事甲辰詔蜀雞冠隘都統

王宣戰沒其總管吳桂棄所守走又縱部伍剽劫貶官勒停冬十二月戊寅朔日有食之太史先期言是日日食將既日與金木水火四星俱躔於斗詔損膳避朝以圖消弭

二年春正月戊申朔詔文武羣臣舉曉暢兵財各二人三衙諸軍統制舉將材各二人二月戊戌詔近覽李璠奏知蜀漸次收復然創殘之際緩撫爲急宜施蕩宥之澤淮西被兵恩澤亦如之其降德音諭朕軫恤之意蒙古再造王檝來三月己丑遣周次說爲蒙古通好使夏五月癸未以李鳴復知樞密院事李宗勉參知政事余天錫簽書樞密院事甲申嚴州布衣錢時成忠郎吳如愚以隱居著書並選爲祕閣校勘丙戌以李鳴復參知政事冬十月己丑日生黑子辛未復光州十二月丙午董誥臣坐棄光州伏誅三年春正月癸酉以喬行簡爲少傅平章軍國重事李宗勉爲左

丞相史嵩之爲右丞相兼樞密使督視兩淮四川京湖軍馬余天錫參知政事游似簽書樞密院事秋八月戊戌以游似參知政事許應龍簽書樞密院事林畧同簽書樞密院事九月辛巳大饗明堂大赦冬十月許應龍林畧罷十一月丙子以范鍾簽書樞密院事十二月甲子復夔州

四年春正月辛未彗出營室庚辰詔曰朕以渺身托於天下士民公卿之上顧德不類不能上全三光之明下遂羣生之和變異頻仍咎證彰灼夙夜祗愍不遑康寧乃正月辛未流星見於營室太史氏占厥名曰彗災孰大焉天道不遠譴告匪虛今朕痛自克責豈聲利未遠而讒諛乘間歟舉措未公而賢否雜進驟賞罰未當而真僞無別歟抑牧守匪良而犴獄多興歟封人弛備而暴客肆志歟道瑾相望而流離無歸歟四方多警而朕不悟羣黎有苦

甲午年

七

而朕不知歟謫見上帝象甚著明爰避正殿減常膳以示側身修
行之意二三大臣吾道揆也其協恭以輔朕百爾執事吾法守也
其竭忠以告朕使朕得以導和消異不亦善乎布告中外咸知朕
意二月癸丑以孟珙為四川宣撫使夏四月乙巳召督軍右丞相
史嵩之還六月江浙福建大旱蝗秋七月乙丑詔今夏六月恒暘
飛蝗為孽朕德未修民瘼尤甚中外臣僚其直言闕失無隱又詔
有司賑災恤刑九月喬行簡罷冬十月癸巳詔改明年元十二月
丙辰地震己未詔求直言閏十二月丙寅左丞相李宗勉卒以游
似知樞密院事范鍾參知政事徐榮叟簽書樞密院事
淳祐元年春正月庚寅朔詔舉文武才甲辰詔曰朕惟孔子之道
自孟軻後不得其傳至我朝周惇頤張載程顥程頤真見實踐深
探聖域千載絕學始有指歸中興以來又得朱熹精思明辨表裏

混融使大學論孟中庸之書本末洞徹孔子之道益以大明於世
朕每觀五臣論著啟沃良多今視學有日其令學官列諸從祀以
示崇獎之意尋黜王安石從祀丙午封周惇頤為汝南伯張載鄆
伯程顥河南伯程頤伊陽伯戊申幸太學謁孔子遂御崇化堂祭
酒進講監學官諸生進秩賜賚有差製道統十三贊就賜國子監
宣示諸生復親書朱熹白鹿洞學規賜焉夏四月丁丑詔以弟與
芮為開府儀同三司萬壽觀使嗣榮王貴謙為開府儀同三司嗣
沂王冬十一月辛卯蒙古主窩濶台卒后主國事十二月丁丑侍
御史金淵劾前四川制置副使彭大雅貪黷殘忍蜀人銜怨乞更
竄責詔除名贛州居住蒙古兵攻普州知州何叔丁判官楊仁舉
闔家遇害蒙古兵圍成都制置使陳隆之一家數百口並遇害蒙
古遣使來議和至淮上守將囚之

六

二年春正月甲戌游似罷以范鍾知樞密院事徐榮叟參知政事
趙葵同知樞密院事別之傑簽書樞密院事夏五月己酉趙葵罷
六月壬子朔徐榮叟罷丁巳以余玠為四川宣諭使授制置使丙
寅以別之傑同知樞密院事高定子簽書樞密院事杜範同簽書
樞密院事盛夏積雨浙右大水秋七月常潤建康大水兩淮尤甚
九月庚辰朔日有食之辛卯大饗明堂大赦冬十月蒙古兵大入
通州守臣杜霆載其私帑遁十一月辛卯詔諭兩淮節制李曾伯
毋以通州被兵之故不安厥職其督勵諸將勉圖後功己亥日南
至雷電交作詔省躬求直言十二月癸亥蒙古兵連攻叙州都統
楊大全拒戰死丙寅別之傑罷

七

三年春正月戊寅以高定子兼參知政事尋罷三月丁丑朔日有
食之夏四月壬申布衣王與之進所著周禮訂議補下州文學蒙
古兵破大安軍忠義副總管楊世威堅守魚孔隘詔世威就知大
安軍

辛

四年春正月壬寅朔帝製訓廉謹刑二銘戒飭中外以李鳴復參
知政事杜範同知樞密院事劉伯正簽書樞密院事夏五月戊午
蒙古兵圍壽春府呂文德節制水陸諸軍解圍有功詔赴樞密院
稟議六月庚午朔以呂文德兼淮西招撫使知濠州秋九月甲辰
右丞相史嵩之許終喪甲戌以趙葵同知樞密院事

三

五年春正月乙卯以李性傳簽書樞密院事三月庚子詔嚴賊吏
法夏四月丙戌右丞相杜範卒秋七月癸巳朔日有食之九月辛
亥大饗明堂奉太祖太宗寧宗並侑大赦冬十二月己卯以游似
為右丞相兼樞密使趙葵知樞密院事李性傳同知樞密院事性
傳尋罷壬午以太史奏日食明年正旦詔避殿減膳百官講行闕

政凡可以消弭災變者直言無隱工部侍郎徐元杰侍御史劉漢弼以嘗論史嵩之相繼暴卒太學生爲訟寃詔各給田五百畝緡錢五千恤其家蒙古兵入蜀權巴州何震權成都府馮有碩權漢州王驥權成都縣楊兌權資州劉永權潼川府魏靄死將領關貴統制白傅才率衆復洋州還遇敵兵交戰將士百五十三人俱沒於陣詔各贈卹

六年春正月辛卯朔日有食之二月戊辰范鍾罷夏四月戊寅詔授朱熹門人胡安定呂燾蔡模廸功郎本州學教授給札錄其著述并條具所欲言者以聞六月壬子以陳韓參知政事秋七月蒙古主貴由立八月癸丑以祕書少監劉克莊兼崇政殿說書九月戊辰以賈似道爲京湖制置使冬十二月乙未詔許史嵩之致仕臺諫論其無父無君罪有餘誅請削官遠竄

七年春正月乙卯朔詔間者絀逐非才收召衆正史嵩之已令致仕示不復用咨爾二三大臣其一乃心務舉實政以輯寧我邦家若辭浮於實玩愒歲月朕何賴焉夏四月庚子以王伯大簽書樞密院事吳潛同簽書樞密院事辛丑以鄭清之爲右丞相兼樞密使遊似罷以趙葵爲樞密使督視江淮京西湖北軍馬陳韓知樞密院事湖南安撫大使甲辰趙葵兼知建康府行宮留守江東安撫使五月乙亥策士詔求直言弭旱六月丙申以旱避殿減膳詔中外臣庶直陳過失母有所諱戊申詔旱勢未釋兩淮蜀襄及江閩內地曾經兵州縣遺骸暴露感傷和氣所屬有司收瘞之秋七月乙丑吳潛罷丁卯以別之傑參知政事鄭采同簽書樞密院事案罷八月辛卯乃雨

八年春二月乙未福安縣民羅母年過百歲特封孺人有司歲時

存問以厚風化三月蒙古主貴由卒后主國事夏六月戊戌以徐鹿卿為樞密使秋七月辛卯以王伯大參知政事應徽同知樞密院事謝方叔簽書樞密院事史宅之同簽書樞密院事伯大尋罷九月辛酉大饗明堂大赦是日雷冬十月甲戌朔別之傑罷

五

九年春正月詔給官田五百畝命臨安府創慈幼局收養道路遺棄嬰兒仍置藥局療貧民疾病閏二月甲辰以鄭清之為左丞相兼樞密使封魏國公趙葵為右丞相應徽謝方叔並參知政事史宅之同知樞密院事夏四月壬寅朔日有食之六月丙寅詔邊郡各立廟一賜額褒忠凡沒於王事忠節顯著者並祠焉守臣春秋致祀冬十一月癸未應徽罷十二月乙巳以吳潛同知樞密院事徐榮叟簽書樞密院事戊午同知樞密院事史宅之卒十年春三月癸未趙葵罷冬十月辛酉詔諸主兵官行罰母杖脊

三

傷人命十一月壬申以趙葵判潭州湖南安撫大使合巖州水

七

十一年春三月戊寅以謝方叔知樞密院事吳潛參知政事徐清叟同知樞密院事夏四月戊戌潭州民林符三世孝行一門義居福州陳氏笄年守志壽逾九表詔皆旌表其門六月乙巳詔求遺書并山林之士有著述者許上進蒙古主蒙哥立秋八月辛亥詔比覽林光世易範明易推星配象演義有司其以禮津遣赴闕九月辛未大饗明堂大赦冬十一月庚戌左丞相鄭清之卒甲寅以謝方叔為左丞相吳潛為右丞相並兼樞密使乙卯以徐清叟參知政事董槐簽書樞密院事京湖都統高達等復襄樊十二月戊辰詔以八事訓飭在廷曰肅紀綱用正人救楮幣固邊陲清吏道淑士氣定軍制結人心

十二年春正月辛丑太學錄楊懋卿以孝行卓異詔旌其門二月

六

凡六年

元

乙卯朔日有食之壬午詔襄郢新復蠲賦稅蒙古兵復攻隨郢安復副總管馬榮率將士拒戰却之夏五月乙巳信州玉山縣盜起詔罷諸郡經界秋八月丁丑班會天歷辛巳詔改明年元冬十月癸丑以徐清叟參知政事董槐同知樞密院事壬申詔襄郢新復其務措置屯田脩渠堰十一月庚寅吳潛罷丙申夜臨安大火越夕乃熄詔求直言閩浙八州郡大水
寶祐元年春正月庚寅朔詔以姪孜為皇子改賜名禕封永嘉郡王製資善堂記賜之癸卯蒙古兵渡漢江入西柳關京湖都統高達帥兵禦之二月己酉朔日有食之夏四月乙未詔侍從臺諫給舍制司各舉帥才二人五月甲午召四川制置使余玠還暴卒秋八月丙辰以余晦為四川安撫制置使知重慶府江湖閩廣旱温台處三州大水

三

二年春二月甲辰朔詔太常釐正秦檜謚庚申詔饒州布衣饒魯不事科舉一意經學授州教授三月壬午王善使蒙古留七年來歸夏四月乙丑以徐清叟知樞密院事董槐參知政事六月甲寅侍御史吳燧等論故蜀帥余玠聚斂罔利玠死其子如孫盡竊帑庾之積以歸詔籍其家庚午召四川制置使余晦還閩六月壬申參知政事董槐以邊事孔棘請自帥蜀優詔不允壬午以李曾伯為四川宣撫使秋九月辛亥大饗明堂大赦冬十月癸酉皇子禕進封忠王蒙古城利閩州知閩州兼利西安撫王惟忠下獄詔籍其家斬都市

三

三年春正月己未迅雷明日起居郎牟子才疏言元夜張燈侈靡倡優狎嫖有累聖德乞請罷以應天變從之夏六月丙子以王埜簽書樞密院事尋罷監察御史洪天錫劾內官盧允升董宋臣不

報秋七月壬戌謝方叔罷八月乙丑徐清叟罷以董槐為右丞相兼樞密使程元鳳簽書樞密院事蔡抗同簽書樞密院事治入浴啟釁罪全子才劉子澄各罷祠

四年春三月丙辰帝製字民訓賜親民官夏四月癸未以程元鳳參知政事蔡抗同知樞密院事賈似道參知政事依舊督兵甲辰羅氏鬼國遣報思播言蒙古將由大理取道西南大入邊詔以銀萬兩使思播結約羅鬼為援六月癸未侍御史丁大全疏擊右丞相董槐夜半以臺牒役隔兵迫出關遂罷相三學生屢上書以為言詔槐提舉洞霄宮秋七月甲寅知叙州史俊調舟師連與蒙古兵戰却之乙卯以程元鳳為右丞相兼樞密使蔡抗參知政事張礪簽書樞密院事九月甲寅監察御史朱熠言境土日蹙調度日廣乞汰冗吏不報冬十一月戊戌京湖闖臣繼上戰功詔曰蜀權

兵革吾民重困所當勞來撫摩使之樂業比聞官吏乃肆誅求殊失培植邦本之意自今四川制司戒飭屬郡違者罪無赦御史臺其嚴覺察癸丑詔戒羣臣洗心飭行毋縱於貨賄其或不悛舉行淳熙成法又開國以來勲臣之裔有能世濟其美而不世其祿者所在州郡以聞以張礪同知樞密院事丁大全簽書樞密院事馬天驥同簽書樞密院事蔡抗輒擅去國奪職奉祠十二月庚申蒙古城棗陽

五年春正月丁亥朔賈似道進知樞密院事依舊督兵以吳淵參知政事淵未至卒夏四月蒙古兵攻襄陽安撫高達力戰於白河却之蒙古兵攻苦竹隘詔京湖調兵應援六月丁酉馬天驥罷秋八月庚子以張礪參知政事丁大全同知樞密院事礪卒九月辛酉大饗明堂大赦冬十月丁酉以林存簽書樞密院事十一月乙

南史書 卷五十一 嚴糾察
丑獎諭安南國賜賚之庚辰詔三邊郡縣官毋擅離職守帥臣其

六年春正月辛亥朔以丁大全參知政事二月辛巳朔以馬光祖
爲京湖制置使尋兼荆湖北路安撫使夏四月乙巳程元鳳罷丁
未以丁大全爲右丞相兼樞密使林存同知樞密院事蒙古主率
諸將兵號十萬分三道來侵一趨散關一趨米倉關一趨沔州冬
十月戊子蒙古將李璫率兵攻通泰州十一月己酉林存罷壬子
以朱熠同知樞密院事饒虎臣同簽書樞密院事賈似道進樞密
使爲兩淮宣撫使丁卯李璫攻海州漣水軍海州通判侯昂鏖戰
死闔室遇害將士殺傷殆盡賈似道抗章引咎詔以功自贖十二
月戊寅詔改明年元庚辰蒙古兵渡馬湖入蜀詔馬光祖向土壁
暫移司峽州以便策應土壁光祖尋敗蒙古兵於房州臨安大旱

凡年

三

開慶元年春正月丁卯以賈似道爲京西湖南北四川宣撫大使
蒙古兵攻忠涪州破利州隆慶順慶諸郡閩蓬廣安守將相繼降
蒙古又造浮梁於涪之蘭市三月丁巳以呂文德爲四川制置副
使夏六月辛巳以朱熠參知政事饒虎臣同知樞密院事秋七月
蒙古兵圍合州自二月至於是月守臣王堅固守力戰蒙古主蒙
哥卒於城下乃解圍九月壬子賈似道表言蒙古兵自黃州浚武
口渡江圍鄂州中外震動庚申以戴慶炳簽書樞密院事下詔責
已勉諭諸閩進兵冬十月辛未朔丁大全罷壬申以吳潛爲左丞
相兼樞密使賈似道爲右丞相兼樞密使依舊督兵庚辰詔自今
十一日始避殿減膳徹樂又詔曰比者蜀道稍寧然干戈之餘瘡
痍未復流離蕩析生理何資咨爾旬宣之寄牧守之臣輕徭薄賦
一意撫摩恤軍勞民庶底興復其被兵百姓遷入城郭無以自存

四

者三省下各郡以財粟賑之十一月乙卯以趙葵為江東西宣撫使許便宜行事閏月丁丑以向士璧為湖南制置副使知潭州甲申以呂文德為京西湖北安撫使兼制置使知鄂州十二月己亥賈似道私與蒙古議和奏鄂州圍解詔論功行賞辛亥詔改明年元是歲屢出內帑銀帛緡錢犒師發義倉米賑臨安湖北及婺州饑

景定元年春二月辛酉蒙古遣偏師取道大理由廣南抵衡州向士璧合劉雄飛兵逆戰於道敗之獲還俘民甚眾丙寅蒙古兵攻分寧武寧二縣河湖砦都監張興宗死三月戊辰朔日有食之乙亥詔全岳水衡柳象瑞興國南康隆興江州臨江潭州經兵諸縣農民失業應開慶元年二稅盡除之辛卯蒙古主忽必烈立蒙古兵至漢陽鄧州統制張勝力戰死賈似道言自鄂趨黃與敵遇大

戰敗之夏四月戊戌朔侍御史沈炎疏左相吳潛罪請速詔賈似道正位鼎軸己亥賈似道以計殺蒙古鄂州殿兵上表奏捷己酉吳潛罷癸丑召還賈似道進少師封衛國公以朱熠知樞密院事饒虎臣參知政事戴慶炯同知樞密院事皮龍榮簽書樞密院事虎臣罷慶炯卒五月癸未以沈炎同簽書樞密院事六月壬寅詔立忠王禩為皇太子賜字長源甲寅以楊棟葉夢鼎並為太子詹事秋七月丁卯朔大赦己丑御史何夔然劾丁大全吳潛欺君無主之罪庚寅以賈似道兼太子少師朱熠皮龍榮沈炎兼太子賓客辛卯詔丁大全削三秩南安軍居住吳潛奪觀文殿大學士罷祠建昌軍居住癸巳詔舉孝廉蒙古遣郝經來修好且徵歲幣賈似道隱其事幽經真州上聞使至謂宰執曰北朝使來事體當議似道奏曰和出被謀豈容輕徇若以交鄰國之道來當令八見九

月辛巳大饗明堂大赦冬十月甲辰詔黨丁大全吳潛者臺諫其
嚴覺察舉劾以聞當寘於法以爲同惡相濟者之戒壬戌再貶吳
潛潮州居住十二月辛丑建陽縣嘉禾生一本十五穗詔改建陽
爲嘉禾縣

二年春正月丁丑命皇太子謁孔子於太學乙酉以皇太子請詔
封張栻爲華陽伯呂祖謙開封伯從祀孔子廟庭三月壬戌朔日
有食之夏四月乙未以皮龍榮參知政事沈炎同知樞密院事何
夢然簽書樞密院事乙卯竄吳潛於循州丙辰竄丁大全於貴州
追削二秩秋七月甲子蜀帥俞興奏知瀘州劉整率所部兵降蒙
古由會計邊費爲興所按也戊寅王惟忠家訟寃詔奪謝方叔應
得恩數丁大全責授新州團練使貴州安置丙戌吳潛責循州安
置卒八月壬辰以呂文德兼四川宣撫使乙巳以江萬里同簽書

樞密院事向士璧坐冒邊費貶漳州安置復被逮責償以死趙葵
史巖之等俱責償貶黜有差九月乙亥蒙古使郝經久留真州帝
趨與賜賚冬十月丙午以何夢然同知樞密院事丙辰沈炎罷十
二月辛卯宰臣奏太子語臣等言近奉聖訓夫婦之道王化之基
男女正位天地大義平日所講修身齊家之道當眞履實踐勿爲
口耳之學請宣付史館爲世程法從之甲午以何夢然參知政事
壬寅江萬里罷癸卯冊全氏爲皇太子妃臨安大雨水湖秀州水
安南來貢

三年春正月戊子朔詔量移丁大全吳潛黨人更不錄用庚午賜
賈似道第宅于集芳園給緡錢百萬就建家廟二月丁亥朔皮龍
榮罷庚戌蒙古將李壇以漣海三城來歸獻山東郡縣詔封壇齊
郡王復其父李全官爵三月乙丑以孫附鳳簽書樞密院事夏六

月庚寅以楊棟同簽書樞密院事庚戌安南陳日暎上表乞世襲
詔日暎及男威冕俱授安南國王秋八月戊戌蒙古兵克濟南殺
李壇事聞詔嚴邊防九月丁丑温州布衣李元老讀書安貧不事
科舉年百有四歲詔授廸功郎致仕本郡給俸冬十月甲子以楊
棟簽書樞密院事葉夢鼎同簽書樞密院事並兼太子賓客十一
月壬辰詔奪丁大全團練使新州安置道死

四年春正月壬午詔侍從臺諫給舍卿監郎官以上及制總監司
各舉所知不拘員限不如所舉行連坐法戊子林希逸言莆陽布
衣林亦之陳藻有道之士林公遇幼承父澤奉親不仕詔贈亦之
藻廸功郎公遇進贈一官二月丁巳置公田所以劉良貴等領之
夏五月丁酉婺州布衣何基建寧府布衣徐幾皆得理學之傳詔
並授廸功郎本州府教授兼書院山長秋九月辛卯大饗明堂大

赦甲午以何夢然知樞密院事楊棟同知樞密院事葉夢鼎簽書
樞密院事

五年春正月丁丑朔詔曰朕粵稽盛帝明王制治保邦曷常不以
人材爲先務蓋雖堯舜之法度文武之方策苟非得人是廸是循
則亦徒法而已故必賴濟濟之賢藹藹之士布列中外道德一而
風俗同然後可望其舉行不悖相繼於長久也我國家因之舊進
士一科得人爲盛三百年間所以保乂王家垂休億載者厥功茂
哉弊久蠹滋近年尤甚非無佳士穎出由此其選然窮經學古者
或病於詞華植德礪行者難究其蘊奧高才大器者往往局於纖
悉繩墨之末是以官甚冗而才愈乏家殊俗而風益漓至於冒國
法以苟營假儒冠而挾策俚言亂雅勦說趨時使習之者反賊其
良而取之者莫任其咎人情至此咸欲變通蓋披閱先朝名臣奏

議其論取士之法非一惟程顥頤兄弟深知治道酌古通今綱條
詳明用意純切令三省詳議參酌其可行者條具以聞務於科舉
令甲無大更張以安士心而於進士科舉之外所以崇尚經術
考察德行選用材能之道立爲一代之典陶成四方之風庶幾豐
芑之仁垂之萬世顧不美歟癸巳出奉宸庫珠香象犀下務場貨
易助收楮幣夏四月戊午太白晝見五月庚辰何夢然罷知建寧
府辛卯以楊棟參知政事葉夢鼎同知樞密院事姚希得同簽書
樞密院事乙未安南奉表謝恩進方物詔却之仍厚賚以獎恭順
己亥太白經天晝見秋七月甲戌彗星出於柳丁丑詔避殿減膳
求直言言者皆云變由公田賈似道奏辨乞避位帝勉留之曰言
事易任事難自古然也卿既任事亦當任怨丙申臺臣言楊棟指
彗星爲蚩尤旗欺天罔君詔棟罷職予祠九月乙未左司諫舒有

開劾建寧府教授謝枋得校文發策怨望騰謗貶興國軍居住行
經界推排法由是江南尺寸之地皆有稅冬十月乙丑詔行關子
銅錢法帝不豫丁卯帝崩在位四十一年年六十遺詔皇太子禛
卽皇帝位咸淳二年十二月上尊諡建道備德大功復興烈文神
武聖明安孝廟號理宗

論曰有天下者貴正始理宗之立出於史彌遠矯命可謂不
幸矣享國四十餘年彌遠權終丁賈繼政陰邪得志國事日
舛自古亂君各賢其臣概如是也當時諫臣方大琮等每以
女寵侈費爲言則色荒政怠亂所由生徒飾崇儒講藝之虛
名曷益乎

贊曰大橫之兆乃因避雨慧日閣言符命所祐報功之極遂
忘跋扈四十餘年始終臣瘡崇儒重道褒封曠古國感民寤

元年

丑
一

節卒未大赦十一月詔曰京師諸夏根本民氣宜紓先帝罷諸行厚之使勿困也帥漕兩司合蠲近例歲貢以補助其乏缺所當繼志以副先帝培護根本之意又詔求直言又詔躬行三年喪本生父嗣榮王與芮依前太師判宗正事臺臣劾宦官李忠輔何舜卿並竄遠方以葉夢鼎參知政事姚希得同知樞密院事十二月壬寅戒賊吏絕貢羨餘甲辰詔以生日為乾會節初開經筵名講殿曰熙明禮部尚書馬廷鸞進讀大學衍義序陳心法之要是歲浙東西湖南北廣東西福建成都京西潼川夔利路戶五百六十九萬六千九百八十九口一千三百二萬六千五百三十二咸淳元年春正月辛未朔日有食之二月丁未以姚希得參知政事江萬里同知樞密院事庚申置籍中書記諫官御史言事歲終以考成績壬戌以王燭簽書樞密院事三月甲申攢理宗於永穆

陵夏四月戊午賈似道特授太師閏五月丁未以江萬里參知政事王燭同知樞密院事馬廷鸞簽書樞密院事秋八月蒙古將阿朮帥兵至廬州及安慶諸路統制范勝統領張林正將高興副將孟興逆戰死之冬十一月辛丑以留夢炎簽書樞密院事

二年春正月癸丑江萬里罷知潭州二月辛卯詔左右史循舊制立侍御坐前夏四月壬午姚希得罷丁亥王燭罷五月甲寅以王燭參知政事留夢炎同知樞密院事包恢簽書樞密院事秋七月壬寅罷童子科是歲安南來貢

三年春正月己丑朔郊大赦丁酉上皇太后尊號壬辰以王燭知樞密院事葉夢鼎參知政事常挺簽書樞密院事癸卯立全氏為皇后戊申帝詣太學謁孔子以顏淵曾參孔伋孟軻配享顓孫師升十哲邵雍司馬光升列從祀雍封新安伯禮部尚書陳宗禮國

國史

本紀六

卷六

子祭酒陳宜中進讀中庸明日執經官并各學官俱進秩諸生推
恩有差二月己未復廣安軍乙丑詔賈似道太師平章軍國重事
三日一朝治事都堂三月壬辰以程元鳳爲右丞相兼樞密使尋
罷夏五月丁亥朔日有食之戊申詔曰比嘗命有司按月給百官
俸惟官愈卑去民愈親仍聞過期弗予是吏奉吾命不虔也諸路
監司其嚴糾劾六月壬戌以馬光祖參知政事己卯王燾罷秋八
月壬戌邊報警急詔諭呂文德申嚴防遏乙丑嗣榮王與芮進封
福王辛未以葉夢鼎爲右丞相兼樞密使留夢炎知樞密院事冬
十月庚申復開州十一月以常挺參知政事馬廷鸞同知樞密院
事

四年春正月乙巳留夢炎罷庚戌詔曰邇年近臣引去以爲高勉
留再三弗近益遠往往相尚不知其非義也亦由一二十大臣嘗勇

去以爲衆望相踵至今孟子於齊王不遇故去是未嘗有君臣之
情也然猶三宿出晝庶幾改之儒者家法無亦取此乎朕於諸臣
允謂無負其弗高尚使人疑於負朕秋九月癸未蒙古築白河城
始圍襄樊冬十月戊寅朔日有食之參知政事常挺罷尋卒十二
月丙戌包恢罷

五年春正月癸亥葉夢鼎罷以馬廷鸞參知政事甲戌以江萬里
參知政事三月丙午蒙古將阿朮及宋叛將劉整自白河以兵圍
樊城乙卯蒙古城鹿門己未詔浙西六郡公田設官督租有差辛
酉京湖都統張世傑率馬步舟師援襄樊與蒙古戰於赤灘圍敗
之戊辰以江萬里爲左丞相馬廷鸞爲右丞相並兼樞密使馬光
祖知樞密院事夏四月高郵縣夏世賢七世義居詔署其門五月
己酉馬光祖罷提舉洞霄宮秋七月辛酉大饗明堂大赦丙寅加

上皇太后尊號冬十二月戊子蒙古築南新城

六年春正月壬寅以李庭芝爲京湖安撫制置使督師援襄樊辛酉班成天歷丙寅以陳宗禮簽書樞密院事趙順孫同簽書樞密院事丁卯帝製字民牧民二訓以戒百官戊辰江萬里罷三月庚子朔日有食之癸丑詔曰吏以廉稱自古有之今絕不聞豈不自章顯而壅於上聞歟其令侍從卿監郎官各舉廉吏將舉擢焉夏四月戊寅以文天祥兼崇政殿說書六月庚午詔太極圖說西銘易傳序春秋傳序天下士子宜肄其文秋七月復開州八月甲申樂清縣嘉禾生詔薦士增四名癸巳詔賈似道十日一朝冬十月丁丑遣殿前副都指揮使范文虎總師援襄樊十一月乙未陳宗禮罷尋卒十二月己亥蒙古築萬山城是歲台安吉二州嘉興華亭二縣並水災賑之

七

七年夏六月己未蒙古會兵圍襄陽秋八月壬辰朔日有食之冬十月癸丑從政郎朱鑒孫進羣經要畧十二月辛亥以御史陳伯大言科舉置士籍戊午詔舉廉能材堪縣令者是冬蒙古改國號曰元是歲紹興平江府安慶無爲吉和鎮巢諸州饑賑之

八

八年春正月庚申詔曰朕惟崇儉必自宮禁始自今宮禁敢以珠翠銷金爲首飾服用必罰無貸臣庶之家咸宜體悉工匠犯者如景祐制必從重典又詔有虞之世三載考績三考黜陟幽明漢之爲吏者長子孫則其遺意也比年吏習媮薄人懷一切計日待遷事未克究又望而之他吏胥狎玩竊弄官政吾民奚賴焉繼自今內之郎曹外之牧守以上更不數易其有治狀昭著自宜獎異夏五月李庭芝遣部轄張順張貴將兵援襄陽兵敗二將先後死之六月丙申貶資政殿大學士皮龍榮衡州安置道卒丁酉以章鑑

同簽書樞密院事秋八月丙辰朔日有食之九月辛未大饗明堂
大赦是日賈似道憾帶御器械胡顯祖輒去位詔罷顯祖出其妹
貴嬪為尼似道始還冬十一月乙卯馬廷鸞罷子祠十二月甲寅
以葉夢鼎為右丞相兼樞密使是歲臨安大雨水紹興六邑水賑
之

九年春正月乙丑阿朮劉整破樊城守將范天順牛富死之二月
庚戌呂文煥以襄陽府降於元三月壬午詔建機速房於中書以
革樞密院漏泄稽違之弊夏四月癸巳詔曰廼者邊吏弗戒致有
襄難將士頻歲暴露邊民蕩析離居盡傷朕心爾聞臣專征方面
宜身率諸將宣揚國威以賞戮用命不用命爾守臣有土有民宜
申儆國人保固封守爾諸將尚迪果毅一乃心力各以其兵敵王
所愾今朕多誥爾其悉聽明訓毋懈毋懦習於故常功多有厚賞

爾不克用勸罰固不得私也又如中外大小臣僚有材識超卓明
控御之宜懷攻守之畧者密具以聞一如端拱二年制書朕當虛
心以聽五月庚辰詔諸人上書請以丞相似道督兵者不允餘付
機速房六月己丑給事中陳宜中請正范文虎不力援襄之罪賈
似道庇之止降一官癸卯京湖制置使汪立信言襄樊之禍皆由
范文虎及俞興父子閏月丙辰朝散郎師顯行進注皇朝文鑑秋
七月癸巳復洋州戊戌復馬驤山九月辛巳以章鑑簽書樞密院
事陳宜中同簽書樞密院事冬十一月壬午子熹授左衛上將軍
封嘉國公是月以陳奕為沿江制置使夏貴為淮西制置使李庭
芝為淮東制置使

十年春正月賈似道母死詔以鹵簿葬之似道起復視事夏四月
己卯子曷授左衛上將軍進封永國公五月壬寅張珏表請城馬

十

咸亨元年
九年

驥虎頭山或先築其一以據險要六月元主諭諸將率兵南伐且數賈似道負約執郝經之罪命水陸並進秋七月癸未帝崩在位十一年年三十五遺詔太子熈即皇帝位八月上尊諡廟號度宗帝在東宮以好內聞及即位荒淫益甚故事宮女被幸者侵晨必詣寢門謝恩一日謝恩者三十二人

論曰理宗季年蒙古亟迫我疆圍蓋權臣賈似道實啟之釁度宗昏弱復拱手聽其所為故政愈焚而敵愈迫潰敗之勢岌岌然不可支譬如病者始終付於庸醫至沉劇而莫悟也哀哉帝熈度宗子也母皇后全氏咸淳六年九月己丑生帝於大內九年授左衛上將軍封嘉國公十年七月癸未度宗崩奉遺詔即皇帝位年四歲謝太后臨朝稱制甲申兄昷進封吉王弟昺進封信王賈似道以文彥博故事獨班起居丙戌上皇太后尊號曰壽和

聖福太皇太后皇后曰皇太后又詔以生日為天瑞節辛卯以朱禩孫為京湖四川宣撫使八月癸丑大霖雨天目山崩九月癸未元兵大會於襄陽尋分兵一入淮一趨鄂一徇荆南甲午開經筵冬十月丁未饒州布衣董聲應進諸史纂約兵鑑刑鑑詔充史館編校文字乙卯令州縣行義田義役丁巳元兵攻郢州張世傑力戰禦之遂去由藤湖入漢戊午鄂州副都統趙文義追戰全子湖死之乙丑以章鑑同知樞密院事陳宜中簽書樞密院事丙寅元兵破沙洋城總管王虎臣與守隘官王大用皆被執十一月庚辰以陸秀夫為淮東安撫制置司參議官丙戌以王爚為左丞相章鑑為右丞相並兼樞密使十二月癸丑元兵攻陽邏堡夏貴以兵力守都統制王達出戰死丙辰元兵復攻陽邏堡都統制劉成以定海水軍戰死夏貴敗沿江縱兵太掠歸廬州己未知漢陽軍王

儀以城降于元呂文煥以元兵攻鄂州都統程鵬飛提舉張晏然以城降癸亥詔賈似道都督諸路軍馬以孫虎臣總統諸軍詔天下勤王甲子起李芾為湖南提刑乙丑以高達為湖北制置使詔邊費浩繁吾民重困貴戚釋道田連阡陌安居暇食有司覈其租稅收之庚子程鵬飛以元兵徇黃州知州陳奕降李庭芝以兵勤王

德祐元年春正月甲戌陳奕以元兵入蘄州知州管景模降壬午攢度宗於永紹陵乙酉以陳宜中同知樞密院事提舉江州興國宮呂師夔與知州錢真孫以江州降於元丙戌元兵徇江州知安東州陳巖夜遁邳州降知壽昌軍胡夢麟寓治於州自殺戊子知南康軍葉闡降於元戊戌池州都統張林降於元元兵徇安慶知府范文虎降通判夏椅仰藥死知德安府來興國知達州鮮汝忠

相繼以城降於元二月庚戌元兵入池州權守趙卯發自經死賈似道遣宋京如元軍請稱臣奉歲幣不得請而還庚申孫虎臣與元兵戰敗績奔魯港夏貴不戰而去似道與虎臣以單舸奔揚州諸軍盡潰壬戌元兵入饒州知州唐震死故相江萬里赴水死通判萬道同以城降沿江制置大使趙潛知鎮江府洪起畏知寧國府趙與可知隆興府吳益皆棄城遁知和州王喜以城降於元建康都統翁福出迎元兵甲子元兵至臨江軍知軍鮑廉死賈似道上書請遷都乙丑詔百官議遷都左丞相王燭言已不能與大計遂去郢州守將張世傑帥兵入衛復饒州江西提刑文天祥以兵勤王丙寅以文天祥為江西安撫副使知贛州趨入衛戊辰湖南提刑李芾以兵勤王知江陰軍鄭端棄城遁知無為軍劉權知太平州孟之晉皆以城降于元己巳元兵攻嘉定都統侯興力禦死

以陳宜中知樞密院事曾淵子同知樞密院事文及翁簽書樞密院事倪普同簽書樞密院事召王爚為浙西江東宣撫招撫大使始遣元使郝經等歸庚午賈似道有罪罷趙與可除名辛未右丞相章鑑遁三月壬申朔復茶鹽市舶法凡賈似道不恤民之政次第除之殿前指揮使韓震請遷都知樞密院陳宜中殺之癸酉建康都統徐旺榮鎮江統制石祖忠相繼降於元甲戌元兵攻無錫縣知縣阮應得出戰一軍皆沒應得赴水死乙亥詔諭呂文煥陳奕范文虎使通和議息兵以王爚為左丞相兼樞密使丙子下詔罪已以陳宜中為特進右丞相兼樞密使侍御史陳過御史潘文卿先後奏請竄賈似道并治其黨人詔捕翁應龍下臨安府獄罷廖瑩中王庭劉良貴游汶朱浚陳伯大董樸賁洪起畏鎮江自效已卯杖翁應龍刺配吉陽軍命王爚陳宜中並都督諸路軍馬王

午復吳潛向士璧官知常州趙與鑑聞元兵至遁常民錢嘗以城降於元甲申元兵攻西海州安撫丁順降乙酉知東海州施居文降於元詔加張世傑保康軍承宣使總都督府諸軍丁亥有星二鬪於中天頃之一星隕己丑加呂文福保康軍承宣使趨入衛文福至饒州殺使者入江州降於元庚寅左司諫潘文卿右正言李可同知樞密院曾淵子兩浙轉運副使許自浙東安撫王霖龍相繼皆遁簽書樞密院文及翁倪普諷臺臣劾已章未上亟出關遁辛卯太皇太后詔榜朝堂曰我朝三百餘年待士夫以禮吾與嗣君遭家多難爾小大臣未嘗有出一言以救國者內而庶僚畔官離次外而守令委印棄城耳目之司既不能為吾糾察二三執政又不能倡率羣工方且表裏合謀接踵宵遁平日讀聖賢書自諉謂何乃於此時作此舉措生何面目對人死亦何以見先帝天命

未改國法尚存其在朝文武官並轉二資其負國棄子者御史臺
覺察以聞守將張濡殺元行人嚴忠範於獨松關執尚書廉希賢
至臨安重創死知滁州王應龍知平江府潛說友知廣德軍令狐
槩知安東州孫嗣武岳州總制孟之紹相繼以城降於元丙申以
陳合同簽書樞密院事夏四月壬寅統制洪福率衆復鎮巢軍乙
巳元兵入廣德知縣王汝翼與寓居官趙時晦率義兵迎戰被執
死丙午元兵破沙市城都統孟紀死監鎮司馬夢求自經死壬子
以高斯得簽書樞密院事總統張敏與元兵戰豐城死乙卯以福
王與芮爲武康寧江軍節度使判紹興府庚申知金壇縣李成大
率義局兵與元兵戰被執不屈與二子俱死壬戌元兵攻真州知
州苗再成帥兵禦之敗績庚午元兵乘勝至揚州都撥發官雷大
震出戰死姜才兵亦敗是月京湖宣撫朱禩孫湖北制置副使高

達以江陵降於元常德鼎澧諸州皆相繼降五月癸酉元兵至寧
國縣知縣趙與璠出戰死丁丑劉師勇復常州加和州防禦使助
姚書守常以張彥守呂城兵威稍振由是浙右諸城降元者復與
張世傑軍合辛卯籍潛說友吳益呂文煥孟之縉陳奕范文虎家
丙申詔張世傑張彥阮克已仇子真四道出兵己亥吳繼明復蒲
圻通城崇陽三縣六月庚子朔日食旣星見雞鶩皆歸成都安撫
使咎萬壽以嘉定諸城降於元辛丑太皇太后詔削聖福尊號以
應天戒命侍從官已上各舉材堪文武者五人廷臣各舉三人雖
在謫籍亦聽舉之庚戌誅翁應龍籍其家甲寅留夢炎入朝王爚
陳宜中並請相夢炎自求罷詔二相毋藉此求閒以爚平章軍國
重事陳宜中爲左丞相夢炎爲右丞相並兼樞密使都督諸路兵
乙卯詔求直言知叙州郭漢傑知瀘州梅應春知富順監王宗義

相繼以城降於元秋七月辛未張世傑與劉師勇孫虎臣大出舟
師與元將阿朮戰焦山下元人以火矢夾攻萬艘俱焚軍士投江
溺死無數世傑奔鬪山師勇還常州虎臣還真州呂城失守張彥
被執降於元甲戌徙賈似道居婺州曾淵子雷州廖瑩中貶昭州
王庭貶梅州寧國吏楊忠義率義兵出戰死丁丑徙賈似道建寧
府庚寅賈似道責授高州團練副使循州安置籍其家追復皮龍
榮官辛卯陳宜中每與王爚不協爚子啖京學生劉九臯等伏闕
上書論陳宜中擅權黨賈似道沮文天祥護棄城降遁之守將又
呂師夔狼子野心而使之通好乞盟張世傑步兵而用之於水劉
師勇水兵而用之於步恐誤國不止一似道也宜中徑去遣使四
輦召之不至尋下九臯等於臨安獄罷爚為醴泉觀使乙未以陳
文龍同簽書樞密院事丙申以開慶兵禍追罪史嵩之奪其諡八

殺賈似道

月壬寅右正言徐直方遁以李芾為湖南鎮撫大使知潭州乙巳
吳繼明復平江縣庚戌劉師勇復呂城甲子以文天祥為浙西江
東制置使知平江府九月辛巳大饗明堂赦丙戌會稽縣尉鄭虎
臣部送賈似道之貶所至漳州殺之元兵入泰州知州孫虎臣自
殺冬十月己亥加張世傑沿江招討使劉師勇福州觀察使總統
出戍兵丁未以留夢炎為左丞相陳宜中為右丞相並兼樞密使
壬戌元將伯顏發建康分道來侵李世修以江陰降於元元兵圍
潭州知州事李芾力戰禦之十一月庚午以陳文龍同知樞密院
事黃鏞同簽書樞密院事戊寅元兵破廣德軍已卯破四安鎮正
將胡明等死召文天祥入衛壬午元兵至隆興府黃萬石棄撫州
遁轉運判官劉槃以隆興降於元甲申元伯顏兵攻常州數月不
下城破屠其民知州姚訔通判陳炤都統王安節並死劉師勇突

圍走臨安己丑元兵破獨松關馮驥死張濡遁鄰邑望風皆遁辛卯元兵入撫州都統密佑死甲午權禮部尚書王應麟遁乙未左丞相留夢炎遁十二月庚子以吳堅簽書樞密院事遣柳岳奉書詣元軍稱盜殺廉尚書乞班師脩好癸卯以陳文龍參知政事謝堂同知樞密院事丁未元兵入平江府遣使召留夢炎王應麟皆不至戊申張世傑入衛癸丑遣宗正少卿陸秀夫刑部尚書夏士林兵部侍郎呂師孟使元軍詔呂文煥趙孟桂通好庚申復遣柳岳等詣元軍祈請至高郵民殺之元兵破大洪山知隨州朱端履降癸亥復遣使召留夢炎不至

二年春正月乙丑朔元兵陷潭州知州李芾拒守力盡闔門死守將胡繼明劉忠孝以城降寶慶亦降通判曾如驥死陸秀夫等至元軍求稱姪納幣不從稱姪孫不從戊辰陸秀夫等還太皇太后

命用臣禮己巳嘉興守劉漢傑以城降於元庚午參知政事陳文龍上疏歸養以黃鏞參知政事辛未以吳堅為左丞相兼樞密使常楙參知政事日午宣麻慈元殿文班止六人諸關兵盡潰遣監察御史劉岳奉表稱臣於元上元主尊號曰仁明神武皇帝歲奉銀絹二十五萬乞存境土以奉蒸嘗癸酉左司諫陳孟虎監察御史孔應得遁甲戌元兵至瑞州知州姚巖遁丁丑以夏士林簽書樞密院事數日遁己卯參知政事常楙遁三學生誓死不去特與放釋褐出身元兵入安吉州知州趙良淳自經死癸未進封兄是為益王判福州弟昀為廣王判泉州以留夢炎為江東西湖南北宣撫大使甲申元兵至臯亭山遣監察御史楊應奎上傳國璽降奉表稱臣祈存宗社丞相陳宜中遁張世傑蘇劉義劉師勇各以所部兵去乙酉以文天祥為右丞相兼樞密使都督丙戌以家鉉

翁簽書樞密院事賈餘慶同簽書樞密院事知臨安府命文天祥同吳堅使元軍元人拘天祥於軍中堅還戊子知建德軍方回知婺州劉怡知處州梁椅知台州楊必大皆降於元知臨江軍滕巖瞻遁二月丁酉朔日中有黑子相盪如鵝卵辛丑詔諭郡縣使降元元將伯顏遣人入臨安封府庫收史館禮寺圖書及百司符印告敕王寅遣賈餘慶吳堅謝堂劉岳家鉉翁充祈請使元拘賈餘慶等及文天祥於軍中元兵屯錢塘江沙上太皇太后望祝曰海若有靈當使波濤大作一洗而空之潮三日不至益王廣王奔温州夏貴以淮西降於元知鎮巢軍洪福死三月丁丑元伯顏入臨安執張濡殺之以帝及皇太后全氏度宗母夫人黃氏福王與芮等北去官屬三學生皆從行惟太學生徐應鑣及二男一女赴井死時宮女百人赴水死夏五月丙申元主以帝為瀛國公陳宜中

等立益王昷於福州遙上帝尊號曰孝恭懿聖皇帝

論曰宋至德祐疆土存者無幾及行都陷幼帝與太后入燕二王雖奔餘杭其能殖乎太后為尼帝學佛帝長自悼羈旅賦思歸之詩讀之可為於邑子曰完普元季有託宋名號起兵者遂遷之沙州云

度宗崩

三年三年即端宗
德祐二年即端宗
炎和也

端宗愍孝皇帝名昷度宗長子也母淑妃楊氏度宗崩謝太后召賈似道等入宮擬所立眾謂帝長似道利幼君乃立嫡是為孝恭懿聖皇帝而封帝為吉王弟昺為信王德祐三年正月元兵迫臨安乃封帝為益王判福州以駙馬都尉楊鎮及楊亮節俞如圭為提舉元兵至臯亭山鎮等奉之走婺州伯顏入臨安遣兵趨婺召鎮以王還鎮聞之曰我將就死於彼以緩追兵亮節等遂負帝及昺徒步匿山中七日走温州陸秀夫蘇劉義繼追及於道遣人名

帝即位
元年

陳宜中於清澳宜中來謁復召張世傑於定海世傑亦以所部兵來溫之江心寺高宗南奔時嘗至是有御座在寺中衆相率哭座下奉帝爲天下兵馬都元帥廣王副之太皇太后尋遣一宦者以兵八人來召帝及廣王還宜中等沉之江中遂入閩五月乙未朔陳宜中等乃奉帝卽皇帝位於福州改是年爲景炎元年升福州爲福安府冊楊淑妃爲皇太后同聽政進封弟昺爲衛王以陳宜中爲左丞相兼都督李庭芝爲右丞相陳文龍劉黼參知政事張世傑陸秀夫簽書樞密院事蘇劉義殿前都指揮使王剛中知福安府劉黼未至卒詔吳浚趙潛傅卓李珪翟國秀等分道出兵是日郊赦黎明有大聲出府中衆皆驚仆文天祥自鎮江亡歸以爲右丞相兼知樞密院事遣其將呂武入江淮招豪傑杜濬如温州募兵召揚州守將姜才爲保康軍承宣使元兵至衢州故相留夢

炎降江西制置使黃萬石率所部降經畧使知廣州徐直諒闕江西湖南已降元遣人赴江西送款六月丁卯元呂師夔遣兵徇廣州直諒聞帝卽位於閩遣將拒元兵於石門敗績直諒遁元將入州授奔還諸將官有黃俊者拒不受死丙子吳浚聚兵於廣昌復南豐宜黃寧都三縣翟國秀復秀山傅卓至衢信諸縣民多應者詔右丞相文天祥同都督諸路軍馬秋七月丁酉文天祥開府南劍州經畧江西吳浚兵敗翟國秀引還傅卓兵敗降於元李庭芝姜才自揚州赴召至泰州揚州守將朱煥泰州裨將孫貴皆降於元庭芝才被執死八月漳州亂命陳文龍爲閩廣宣撫使討之張世傑遣兵助吳浚與元將李恒戰兵敗奔寧都元兵破真州守將苗再成死九月以興化石手軍亂復命陳文龍知興化軍東筦人熊飛與新會令曾逢龍相繼起兵會趙潛遂復韶州廣州元呂師

夔等聞之引兵入梅嶺冬十月壬戌朔趙潛遣曾逢龍就熊飛禦
元兵於南雄逢龍戰死飛奔韶州守將劉自立以城降飛率兵巷
戰兵敗赴水死呂師夔等屠韶州授自立招討使時元兵分三道
來侵十一月元將阿刺罕董文炳攻處州李珏以城降甲辰秀王
與樺逆戰於瑞安觀察使李世達死與樺及其弟與櫛子孟備監
軍趙由瑒察訪使林温被執皆死阿刺罕兵至建寧府執守臣趙
崇錢知邵武軍趙時賞知南劍州王積翁並棄城遁乙巳陳宜中
張世傑以元兵漸迫奉帝及衛王楊太后以下俱航海時兵衛幾
五十萬人由東港入海與元兵遇天霧晦不辨舟得以進癸丑元
阿刺罕入福安府府尹王剛中以城降兵部侍郎朱潛仰藥死帝
至泉州招撫使蒲壽庚作亂遂如潮州英德守臣凌彌堅徐夢得
降於元十一月辛酉朔趙潛棄廣州遁乙丑制置使方輿亦遁吳

浚退走入瑞金戊辰蒲壽庚及知泉州田真子以城降於元乙酉
興化軍通判曹澄孫以城降於元知軍陳文龍被執死帝舟次惠
之海豐圖復廣州呂師夔等以軍餉不繼退走以梁雄飛守之時
經畧使劉應龍導帝舟至廣州港口轉運使姚良臣作行宮迎帝
入州治元兵守江者拒之不果入帝舟還大海駐師秀山尋次于
惠州之甲子門郡人龍圖閣待制張鎮孫梅居集海上潰軍與都
統凌震集鄉兵潛分東西二路圖恢復詔以鎮孫爲廣東制置使
兼經畧安撫使

二年春正月元兵破汀關壬寅吳浚棄瑞金遁文天祥奔漳州浚
尋降於元知循州劉興知潮州馬發之相繼降於元二月元兵畧
廣州廣東諸郡皆降帝舟次廣之梅蔚三月文天祥復梅州陳文
龍從子瓚舉兵殺守將林華復興化軍夏四月文天祥復興國縣

丑丁

有宋書 卷之六 本紀六 十一

張鎮孫復廣州元梁雄飛出走帝舟次廣之官富場五月張世傑將兵復潮州文天祥提兵自梅州出江西入會昌縣淮民張德興起兵應之六月辛酉文天祥復雩都秋七月文天祥遣兵復吉贛諸縣衡山人趙礪撫州人何時起兵應之乙巳張世傑遣將高日新復邵武軍八月文天祥諸將兵皆敗乃引兵即鄒瀕於永豐瀕兵潰王申文天祥兵敗於興國甲申文天祥至空坑兵盡潰挺身走循州諸將皆爲元將李恒所執元遣將塔出哈喇歹等趨黃州九月戊申元將也的迷失破邵武軍入福州帝舟次廣之淺灣張世傑帥師援廣州安撫使方輿出禦塔出于石門戰敗冬十月甲辰元將唆都破興化軍陳瓚死乙巳張鎮孫集戰船二千艘及塔出呂師夔大戰於海珠寺敗績十一月元將塔出與呂師夔圍廣州張鎮孫及侍郎譚應斗以城降劉深攻帝於淺灣張世傑戰敗

乃奉帝退保秀山陳宜中入占城遂不返十二月丙子帝至井澳颶風大作舟敗幾溺帝驚悸成疾旬餘諸兵士稍稍來集死者十四五丁丑元將劉深追帝至七州洋執衛王提舉官俞如圭以歸三年春正月元將不花破重慶府制置使張珪死西川州郡俱失二月呂師夔以張鎮孫及其妻子赴燕鎮孫自經死於庾帝舟次廣州元將唆都破潮州屠其城權知州事馬發死三月文天祥復忠州都統凌震及轉運判官王道夫復廣州帝欲往居占城不果遂駐化之碙洲曾淵子自雷州來以爲廣州宣諭使夏四月戊戌帝崩於碙洲年十一衛王昺立上尊諡曰裕文昭武廟號端宗帝昺度宗第三子也母脩容俞氏累封衛王景炎三年四月戊辰端宗崩衆欲散去發書樞密院事陸秀夫不可越二日庚午與衆奉帝嗣位於碙洲時年八歲楊太后仍同聽政以陸秀夫爲左丞

祥興元年即端慶
炎季也

相兼樞密使以張世傑為樞密副使加少傅蘇劉義為開府儀同
三司殿前都指揮使有黃龍見海中五月癸未朔是年為祥興元
年乙酉升碭洲為翔龍縣遣張應科王用取雷州應科與元兵三
戰皆不利用遂降於元六月丁巳張應科與元兵戰於雷州死知
高州李象祖降於元己未帝徙居新會之厓山造新屋三千間行
宮三千間正殿曰慈元楊太后居之己巳有大星隕于廣南聲如
雷數刻乃已庚辰升廣州為翔龍府秋八月庚申月貫南斗乙丑
右丞相文天祥母喪起復以天祥兼樞密使都督諸路兵馬己巳
加張世傑太傅封越國公文天祥少保封信國公壬申以姚良臣
為右丞相夏士林參知政事王德同知樞密院九月葬端宗於永
福陵冬十月元蒙古漢軍數路並進張宏範以舟師由海道襲漳
潮惠三州李恒以步騎由梅嶺襲廣州阿里海牙遣人招安撫使

卯巳
一

趙與珞及冉安國黃之傑等於瓊州不從十一月癸巳瓊州民作
亂執趙與珞等降于元與珞安國之傑皆死閏月李恒兵至清遠
王道夫迎戰大敗恒遂繫凌震海上將吏宋邁等二百人力戰皆
被執奪三百艘庚戌道夫棄廣州遁壬戌震遁癸亥恒入廣州以
待宏範十二月壬午王道夫攻廣州與李恒戰皆被執凌震兵繼
至亦敗文天祥趨海豐壬寅元兵執文天祥於五坡嶺凌震兵敗
於芝塘震走厓山與翟國秀軍合
二年春正月己酉朔帝在厓山丁巳登海舟壬戌元張宏範率兵
侵厓山庚午李恒兵至張世傑以舟師碇海中綦結巨艦千餘中
艦外舳貫以大索四周起樓柵如城堞艦皆塗泥縛長木以拒火
舟宏範至港口呼世傑與語不從文天祥在宏範軍中宏範令天
祥以書諭世傑天祥亦不從世傑使先鋒將周文英挑戰十餘合

祥興元年

本紀六

上

帝在厓山

皆敗宏範益舟師據海口我師不得進退樵汲路絕兵士茹乾飲
鹹旬日皆病世傑猶率蘇劉義方興等日大戰宏範遣人語厓山
士民曰汝陳丞相已去文丞相已執何戰爲士民亦無叛者二月
癸未有黑氣出山西李恒乘早潮退攻于北張世傑以淮兵殊死
戰至午湖上張宏範攻于南南北受敵軍士困甚俄一舟檣旗仆
諸舟檣旗遂皆仆世傑知事去乃抽精兵入中軍諸軍潰翟國秀
凌震及劉俊等解甲降會暮且風雨昏霧四塞世傑與蘇劉義斷
維以十餘舟奪港而去陸秀夫走帝舟帝舟大且諸舟環結度不
得出走乃負帝投海中後宮嬪御及羣臣多從死者越七日浮尸
十餘萬人元卒有求物尸間者遇一尸小而暫衣黃衣負詔書之
寶取寶以獻宏範宏範亟往求之已不獲矣遂以帝崩報年九歲
楊太后聞之撫膺大慟曰我忍死間關至此者正爲趙氏一塊肉

爾今無望矣亦赴海死世傑葬之海濱已而世傑亦自溺死其隨
帝赴水死者禮部尚書徐宗仁等江南競傳帝在占城元主詔遣
捕帝及陳宜中宋之遺民推奉工部侍郎馬南寶爲帥副以制置
使黎德招討使梁起莘以迎駕起兵衆至二十萬爲元總管王守
信所敗起莘降元德與南寶皆死宋自建隆至是凡三百二十年
而亾是年乃元至元十六年也

論曰恭帝之北遷也二王南走海徼其臣相繼擁立力圖興
復勢孤運窮綫緒竟絕蓋符汴杭閩廣之讖云按宋都汴百
六十八年南渡復歷百五十二年享國之久幾與漢埒視唐
則過之昔范曄論漢中興由高祖孝文之寬仁結於民而不
能忘歐陽脩論唐之祖宗德澤制度足爲後世賴故能久享
天命若宋家之積仁厚尚禮義其效亦豈誣哉

